


東坡詩註

掃葉山房印行



浙江圖書館



蘇東坡詩集注卷第五

浙江省立
圖書館

登記號 23583

分類號

冊

6

浙江圖書館

蘇東坡詩集注卷第五

詠史

詠史和劉道原

干明道原劉居士渙子也渙筠州人天聖中進士第居官有直氣不肩輶去下

居星渚

仲尼憂世接輿狂臧穀雖殊竟兩亡

續莊子駢拇篇臧與穀二人相與牧羊而

俱亡其羊臧則挾策讀書穀則博塞以遊事業不同其於亡羊均也

吳客漫陳豪士賦

厚晉史陸機傳齊王

罔既矜功自伐受爵不讓機惡之作豪士賦刺焉

桓侯初笑越人方

援扁鵲姓秦名越人客齊見桓侯曰疾在

膝理不治將深桓侯不信復見退走曰疾在骨髓雖司命無如之何

名高不朽終安用

續叔孫豹曰太上立德其

次立功其次立言此之謂不朽

日飲無何計亦良

援袁盎為吳相兄子種謂曰絲能日飲無何說王無反而已如此幸

得脫獨掩陳編弔興廢窗前山雨夜浪浪

子仁退之別知賦雨浪浪其不止

王莽

漢家殊未識經綸入手功名事事新

堯卿劉夢得詩云不改南山色其餘

新 事事

百尺穿成連夜井

厚王莽時劉京上言齊郡臨淄縣昌興亭長夢曰天公使我告亭長攝皇帝即

真即不信此亭中當有新井亭長晨起視亭中誠有新井入地百尺

千金購得解飛人

次公莽募有奇藝可

以攻匈奴者或言能飛一日千里可以窺匈奴莽輒試之取大鳥翮為兩翼頭與身皆著毛通引環細飛數百步墮莽知其不可用苟欲獲其名拜為

理軍先生

董卓



公業平時勸用儒諸公何事起相圖

援後漢鄭太字公業卓擅朝太與周

秘伍瓊共說卓以韓馥劉岱孔伷張資袁紹為牧守及義兵起卓大怒曰卓初入朝秘瓊勸用善士故相從而諸君到官舉兵相圖此賣卓卓何相負遂斬秘瓊而鄭太以說辭獲免 只言天下無健者 續後漢袁紹傳卓欲廢立紹勃然曰天下健者豈惟董公

豈信車中有布乎

援王允與呂布謀誅卓有人書呂字於布荷而行市歌曰布乎有告卓者卓不悟

虎兒

比篇當為遠姪作

舊聞老蚌生明珠魏軍康字元將弟誕字仲將孔融與未省老

虎兒 遠經作

舊聞老蚌生明珠

續韋康字元將弟誕字仲將孔融與康父書曰不意雙珠近出老蚌也

未省老

兔生於菟

援楚人謂虎為於菟

老兔自謂月中物不騎快馬騎

蟾蜍

黃中五經通義曰月中有兔與蟾蜍

蟾蜍爬沙不肯行

續韓愈效玉川子月蝕詩爬沙脚手

鈍誰使女解緣青冥

坐令青衫垂白須於菟駿猛不類渠指揮

黃熊駕黑軀丹砂紫麝不用塗

堯卿世之小兒必塗丹砂紫麝以辟不祥

眼光

百步走妖狐妖狐莫誇智有餘不勞搖牙咀爾徒

厚魏志曹真嘗會吳質等真肥朱黧瘦質召優使說肥瘦真恚拔刀瞋目言爾敢輕脫吾斬爾遂罵坐質按劍曰曹子丹汝非屠几上肉吳質吞爾

不搖喉咀爾不搖牙何敢恃勢驕邪

開元遺事三首

浙

姚宋亡來事事新一官銖重萬人輕朔方老將風

流在不取西蕃石堡城

續王忠嗣策石堡之得不當所亡

潭裏車船百倍多
廣陵銅器越谿羅
三郎官爵如泥土
爭唱弘農得寶歌

琵琶絃急袞梁州
羯鼓聲高舞臂鞦
破費八姨三

百萬大唐天子要纏頭

續明皇自擊羯鼓八姨獻
三百萬為大唐天子纏頭

戲作賈梁道詩

并引

王凌謂賈充曰汝非賈梁道之子耶乃欲以國與人由是觀之梁道之忠於魏也久矣司馬景王既執凌歸過梁道廟凌大呼曰我亦大魏之忠臣也及司馬病見凌與梁道守而殺之二人者可謂忠義之至精貫於神明矣然梁道之靈獨不能己其子充之姦至使首發成濟之事此又理之不可曉

者也故余戲作小詩云

嵇紹似康為有子郝超叛鑿似無孫

續晉惠帝之難嵇紹死之血污御衣惠

帝曰此嵇侍中血勿洗紹嵇康子也郝超死有遺書一置乃與桓温奸謀之書父方回見之不哭曰恨汝死晚超鑿孫也

如今更恨

賈梁道不殺公閻殺子元

子元公閻賈充字子元司馬景王字

歐陽叔弼見訪誦淵明事歎其絕識叔弼

既去感慨不已而賦此詩

淵明求縣令本緣食不足束帶向督郵小屈未為

辱翻然賦歸去豈不念窮獨重以五斗米折腰營

口腹

續晉書陶淵明嘗謂親友曰聊欲絃歌以為三徑之資可乎執事者聞之以為彭澤令郡遣督郵至縣吏白應束帶見之淵明歎曰

吾不能為五斗米折腰拳拳事鄉里小人遂解印賦歸去來

云何元相國萬鍾不滿欲胡

椒銖兩多安用八百斛

厚唐書元載字公輔代宗時為宰相賜死籍其家胡椒有八百斛餘物稱是

以此殺其身何帝抵鵲玉

次公鹽鐵論南越以孔雀珥門戶昆山之旁以玉抵烏鵲

往者

不可悔吾其反自燭

李白謫仙詩

館

我居青空裏君隱黃埃中聲形不相弔心事難形容
容欲乘明月光訪君開素懷天杯飲清露展翼登蓬萊
佳人持玉尺度君多少才玉尺不可盡君才無時休
對面一笑語共躡金鰲頭絳宮樓闕百千仞霞衣誰與雲煙浮

顏闔

浙

顏闔古有道躬耕自衣食區區曾小邦不足隱明德
軺軒來我門聘幣繼金璧出門應使者耕稼不

謀國但疑誤將命非敢憚行役使者反錫命戶庭

謀國但疑誤將命非敢憚行役使者反錫命戶庭
空履迹薄俗徇世榮截趾履之適所重易所輕隋
珠彈飛翼伊人畏照影獨往就陰息鼎俎薦忠賢
誰能死燔炙念彼藏皮冠安知獲堯客

元祐元年二月八日朝退獨在起居院讀
漢書儒林傳感申公故事作小詩一絕

寂莫申公謝客時自言已見穆生機綰臧下吏明
堂廢又作龍鍾病免歸

龐公

襄陽龐公少檢束白髮不髡亦不俗世所奔趨我
獨棄我已餘彼不足鹿門有月樹下行虎谿無

三十七
風舟上宿不識當時捕魚客但夢長康畫金粟杜
口如今不復言龐公爲人不曲局東西有人問老
翁爲道明燈照華屋五言七言正兒戲三行五行
亦偶爾我性不飲只解醉正如春風弄羣卉四十
年來同幻事老去何須別愚智古人不住亦不滅
我今不作亦不止寄語悠悠世上人浪生浪死一
埃塵洗墨無池筆無冢聊爾作戲悅吾神

蘇東坡詩集注卷第五

蘇東坡詩集注卷第六

述懷

秋懷二首

苦熱念西風

堯祖古樂府有苦熱行

常恐來無時及茲遂淒凜又

作徂年悲

次公淮南子木葉落長年悲

蟋蟀鳴我牀黃葉投我幃

阮厚

嗣宗詩開秋兆涼氣蟋蟀鳴牀帷

窗前有棲鵬夜嘯如狐狸

續賈誼傳誼為長沙王傳有鵬

鳥入舍止於坐隅鵬似鴉不祥鳥也

露冷梧桐脫孤眠無安枝熠燿亦有

隅

厚詩東山熠燿宵行

高屋飛相追定知無幾見追此清霜期

曾杜少陵螢火詩十月清霜重飄零何處歸

物化逝不留我興為嗟咨

次公詩我興視夜便

當勤秉燭

續古詩晝短苦夜長何不秉燭遊

為樂戒莫遲

海風東南來吹盡三日雨空階有餘滴

厚古詩夜雨滴空階似與

幽人語次公易幽人貞吉

念我平生歡寂莫守環堵

續禮儒行環堵之室

壺漿慰作勞

續陶潛詩壺漿勞近鄰援楊惲書田家作勞

裹飯救寒苦

次公莊子裹飯

而往食之

今年秋應熟過從飽雞黍嗟我獨何求

厚詩不知我者謂我

求萬里涉江浦居貧豈無食自不安吠畝念此坐

達晨

續陶詩念此懷悲悽終曉不能靜

殘燈翳復吐

厚杜詩曳雲蒙清晨初日翳復吐

軾以去歲春夏侍立邇英而秋冬之交子

由相繼入侍次韻絕句四首各述所懷

瞳瞳日脚曉猶清細細槐花暖欲零坐閱諸公半

廊廟時看黃色起天庭

自注僕射呂公門下韓公左丞劉公皆自講席大用續人面有天庭相書以黃

色為喜色退之詩云眉間黃色見歸期

上尊初破早朝寒茗盃仍霑講舌乾陛楯諸郎空

兩立故應慙悔不儒冠厚公漢高祖解儒冠

上尊初破早朝寒若盈仍雨雷講舌乾陛楯諸郎空

兩立故應慙悔不儒冠

次公漢高祖解儒冠溺之

兩鶴摧頽病不言年來相繼亦乘軒

援左傳衛懿公好鶴鶴有乘軒者

誤聞九奏聊飛舞

十朋虞書蕭韶九成鳳皇來儀百獸率舞

可得裴回為啄吞

微生偶脫風波地晚歲猶存鐵石心

厚皮日休桃花賦序余嘗慕宋廣平之為

相疑其鐵腸石心不解吐婉媚之辭然其梅花賦清便富豔得南朝徐庾體不類其為人也

定似香山老居士

香山

山寺在洛都龍門白居易晚年自稱香山居士以儒教飾其身佛教治其心道教養其壽

世緣終淺道根深

自注樂天自江州司馬除忠州刺史旋以主客郎中知制誥遂拜中書舍人軾雖不敢自比然謫居黃州起知文登召為儀曹遂忝侍從出處老少

大略相似庶幾復享此翁晚節閒適之樂焉

小兒

小兒不識愁起坐牽我衣

次公李白詩兒女嬉笑牽人衣

我欲嗔小兒

老妻勸兒癡兒癡君更甚不樂愁何為還坐媿此

言洗琰當我前大勝劉伶婦區區為酒錢續劉伶嘗渴甚求酒

於妻妻捐酒毀器諫曰君酒太過非攝生之道必宜斷之伶曰善吾不能自禁唯當祝鬼神自誓耳便可具酒肉妻從之伶跪祝曰天生劉伶以酒為名一飲一石五斗解醒婦人之言終不可聽仍引酒御肉頽然復醉

館

余去杭十六年而復來留二年而去平生

自覺出處老少粗似樂天雖才名相遠而

安分寡求亦庶幾焉二月六日來別南北

山諸道人而下天竺惠淨師以醜石贈行

作三絕句

當來雙鬢兩青青強說重臨慰別情衰髮祇今無

可白故應相對話前生

出處依稀似樂天敢將衰老較前賢便將洛社休

官去猶有閒居二十年

出處依稀似樂天敢將衰老較前賢便將洛社休

官去猶有閒居二十年

續樂天休官於洛所居履道里疏沼種木葺石樓於香山鑿八節灘自號醉吟

先生晚與僧如滿結香火社文酒娛樂二十年

在郡依前六百日山中不記幾回來

次公樂天詩云到郡六百日入山十二

還將天竺一峰去

次公樂天罷杭有詩云三年為刺史飲水復食棗惟向天竺山取得兩片石

欲

把雲根到處栽

次公張協詩雲根臨八極兩足散四溟

自笑一首



子石如琢玉

厚歐陽永叔研譜端石以子石為上子石者在大石中生蓋精石也

遠煙真削鬣

饒本

艸松柏千年為茯苓又千年為琥珀又千年為鸞燒之作松氣為用與琥珀同狀似玄玉而其輕出西戎

入我病風手

古詩云磨墨如病風手

玄雲滄淒淒

次公詩有滄淒淒

是中有何好而我喜

欲迷既似蠟屐阮

續晉書或詣阮孚正見自蠟屐因自歎曰未知一生當著幾兩屐

又如鍛

柳稭

援晉書稭康性絕巧而好鍛宅中有柳樹甚茂乃激水圍之每夏月居其下以鍛

醉筆得天全

厚莊

子醉者墜車雖疾不死其神全也
全於酒猶若是而況得全於天乎
宛宛天投蜺
次公後漢五行志靈帝時有黑氣踳
北宮温明殿東庭中黑如車蓋騰起奮迅長十餘丈其貌似龍上問蔡邕對曰所謂天投蜺者也
退之作毛穎傳以筆為姓
毛名穎目之曰中書君
伴我此幽栖
次公

寓興

江月五首 并引

書

嶺南氣候不常吾嘗云菊花開時乃重陽涼天佳
月即中秋不須以日月為斷也今歲九月殘暑方
退既望之後月出愈遲然余嘗夜起登合江樓或
與客遊豐湖入栖禪寺扣羅浮道院登逍遙堂逮
曉乃歸杜子美云四更山吐月殘夜水明樓此殆
古今絕唱也因其句作五首仍以殘夜水明樓為

古今絕唱也因其句作五首仍以殘夜水明樓爲

韻

一更山吐月玉墀臥微瀾正似西湖上湧金門外
看冰輪橫海闊香霧入樓寒停鞭且莫上照我一
杯殘

二更山吐月幽人方獨夜厚王仲宣詩獨夜不能寐攝衣起拊琴可憐人與

月夜夜江樓下風枝久未停露艸不可藉歸來掩

關臥唧唧蟲夜話

三更山吐月栖鳥亦驚起起尋夢中遊清絕正如

此驅雲掃衆宿俛仰迷空水幸可飲我牛不須違

洗耳續高士傳堯讓天下於許由許由逃之巢父聞之洗其耳樊仲父牽牛飲之見巢父洗耳乃驅牛而還恥令牛飲其下流也

四更山吐月皎皎爲誰明幽人赴我約坐待玉繩

橫厚春秋元命苞玉衡北兩星為玉繩星杜甫詩不違銀漢落亦伴玉繩

野橋多斷版山寺有

微行今夕定何夕

援詩今夕何夕見此察者

夢中遊化城

次公法華經有一導師以

方便力化作一城於是眾人前入化城生已度想生安穩想

五更山吐月窗迥室幽幽

厚退之詩蟲鳴室幽幽月吐窗炯炯

玉鉤還挂

戶厚鮑昭月詩始出西南樓纖纖如玉鉤

江練却明樓

續謝玄暉詩澄江靜如練

星河澹

欲曉鼓角冷知秋不眠翻五詠清切變蠻謳

妒佳月

狂雲妒佳月怒飛千里黑佳月了不嗔曾何汗潔
白爰有謫僊人舉酒為三客今夕偶不見沈瀾念
風伯無煩風伯來彼也易滅沒支頤少待之寒空
淨無迹粲粲黃金槃獨照一天碧玉繩慘無輝玉

露洗秋色浩瀚玻璃瑛和光入胸臆使我能永延

淨無迹粲粲黃金槃獨照一天碧玉繩慘無輝玉
露洗秋色浩瀚玻璃瑣和光入胸臆使我能永延
約君爲莫逆

夜行觀星

天高夜氣嚴列宿森就位大星光相射小星鬧如
沸天人不相干嗟彼本何事世俗強指摘一一立
名字南箕與北斗乃是家人器天亦豈有之無乃
遂自謂迫觀知何如遠想偶有似茫茫不可曉使
我長歎喟

有美堂暴雨

遊人脚底一聲雷滿座頑雲撥不開天外黑風吹
海立

次公杜甫太清宮賦九天之雲下垂四海之水皆立

浙東飛雨過江來十分激

灑金尊凸千杖敲鏗羯鼓催高唐南京羯鼓錄明皇嘗遇春兩初晴命取羯鼓臨軒縱擊回

顧柳杏皆折喚取謫仙泉灑面續李白待詔翰林明皇度曲欲造新詞亟召白白已醉於酒肆矣召入宮宮人

以水灑面即令秉筆頃刻成十餘章到傾鮫室瀉瓊瑰任鮫人從水中出向人家寄住積日賣綃臨去索罷

泣而出珠滿盤以予主人仔魯聲伯夢涉洹或與已瓊瑰食之泣而為瓊瑰盈其懷

次韻章傳道喜雨自注禱常山而得

去年夏旱秋不雨海畔居民飲鹹苦今年春暖欲

生蠖續春秋宣十五年冬蠖生蠖蟲子也地上戢戢多於土預憂一旦開

兩翅口吻如鋒那肯吐前時渡江入吳越布陳橫

空如項羽自注去歲錢塘見飛蝗自西北來極可畏次公前漢英布反上自將擊布布兵精甚置陳如項羽軍上惡之農

夫拱手但垂泣人力區區固難禦撲綠駿尾困牛

馬次公莊子言養馬其有蚊蟲撲綠啣鬣衣服穿房戶坐觀不救亦何

心乘昇炎火傳自古厚詩去其蠹隱及其蝨無害荷鉏散

馬次公莊子言養馬其有故莊撲錄 昭蠶衣服穿房戶坐觀不救亦何

心秉畀炎火傳自古厚詩去其螟螣及其蠹賊無害我田穉田祖有神秉畀炎火 荷鉏散

掘誰敢後得米濟飢還小補次公小民掘土埋蝗者以多寡給其米以償其功也 常

山山神信英烈麾駕雷公訶雷母應憐郡守老且

愚欲把瘡痍手摩撫次公漢功臣表瘡痍未平 山中歸時風色變中

路已覺商羊舞援家語齊有一足之鳥舒翅而跳齊侯遣使訪孔子孔子曰此鳥名商羊昔童兒謠曰商羊鼓舞天

將大兩 夜窗騷騷鬧松竹朝畦泫泫流膏乳從來早蝗

必相資師五行志旱則魚螺變為蟲蝗 此事吾聞老農語庶將積潤埽

餘孽收拾豐歲還明主縣前已窖八千斛坡今春及今得蝗子

八千餘斛 率以一升完一畝更看蠶婦過初眠自蠶一眠則蝗不復生矣 未

用賀客來旁午次公史冠蓋旁午 先生筆力吾所畏蹙躄鮑

謝誇徐庾次公鮑謝鮑昭謝朓也徐庾徐陵庾信也 偶然談笑得佳篇便恐

流傳成樂府續漢武立樂府采詩有趙代秦楚之謳陋邦一兩何足道吾

君盛德九州普中和樂職幾時作試向諸生選何

武厚前漢何武傳宣帝時天下和平四夷賓服神爵五鳳之間屢蒙瑞應益州刺史王褒頌漢德作中和樂職宣布詩三篇武年十四五與

成都楊覆衆等共習歌之宣帝召武等於宣室曰此盛德之事吾何足以當之

雪夜獨宿柏山菴

晚雨纖纖變玉霏小菴高臥有餘清夢驚忽有穿

窗片夜靜惟聞瀉竹聲王荀鶴雪詩崑谷淮聞折竹聲稍壓冬瘟聊得

健未濡秋旱若為耕天公用意真難會又作春風

爛燭晴

江上值雪效歐陽體限不以鹽玉鶴鷺絮

蝶飛舞之類為比仍不使皓白潔素等字

次子由韻

次子由韻

縮頸夜眠如凍龜雪來唯有客先知江邊曉起浩
無際樹杪風多寒更吹青山有似少年子一夕變
盡滄浪髭方知陽氣在流水沙上盈尺江無漸隨
風顛倒紛不擇下滿坑谷高陵危江空野闊落不
見入戶但覺輕絲絲霑裳細看巧刻鏤豈有一一
天工爲霍然一麾徧九野吁此權柄誰執持世間
苦樂知有幾今我幸免霑膚肌山夫只見壓樵擔
豈知帶酒飄歌兒天王臨軒喜有麥宰相獻壽嘉
及時凍吟書生筆欲折夜織貧女寒無帷高人著
屐躡冷冽飄拂巾帽真仙姿野僧斫路出門去寒

液滿鼻清淋漓灑袍入袖濕靴底亦有執版趨階
 墜舟中行客何所愛願得獵騎當風披艸中咻咻
 有寒兔孤隼下擊千夫馳敲冰煮鹿寂可樂我雖
 不飲強倒巵楚人自古好弋獵誰能往者我欲隨
 紛紜旋轉從滿面馬上操筆為賦之

大雪獨留尉氏



古驛無人雪滿庭有客冒雪來自北紛紛笠上已
 盈寸下馬登堂面蒼黑苦寒有酒不能飲見之何
 必問相識我酌徐徐不滿觥看客倒盡不流濕千
 門盡閉行路絕相與笑語不知夕醉中不復問姓
 名上馬忽去橫短策

名上馬忽去橫短策

船趨風

并引

吳中梅雨既過颯然清風彌旬歲歲如此湖人謂
之船趨風是時海船初回云此風自海上與船俱
至云爾

三旬已過梅黃雨萬里初來船趨風幾處縈回度
山曲一時清駛滿江東驚飄菽菽先秋葉喚醒昏
昏嗜睡翁欲作蘭臺快哉賦却嫌分別問雌雄

續楚

襄王遊蘭臺之宮有風颯然而至王乃披襟當之曰快哉此風寡人
所與庶人共者耶宋玉曰此特大王之雄風耳庶人安得而有之

江上看山

船上看山如走馬倏忽過去數百羣前山槎牙忽
變態後嶺雜還如驚奔仰看微徑斜繚繞上有行

宋史記

文獻

人高縹緲舟中舉手欲與言孤帆南去如飛鳥

百步洪二首 并序

王定國訪余於彭城一日權小舟與顏長道攜盼
英卿三子游泗水北上聖女山南下百步洪吹笛
飲酒乘月而歸余時以事不往夜著羽衣佇立於
黃樓上相視而笑以謂李太白死世無此樂三百
餘年矣定國既去逾月余復與錢塘參寥師放舟
洪下追懷曩遊已為陳迹喟然而歎故作二詩一
以遺參寥一以寄定國且示顏長道舒堯文請同
賦云

長洪斗落生跳波 次公上林賦馳波跳沫 輕舟南下如投梭水師

絕叫鳧雁起 次公上林賦馳波跳沫 亂石一線爭磋磨有如兔

長洪斗落生跳波安公上林賦輕舟南下如投梭水師

絕叫鳧雁起

次公素彥道樗捕投馬絕叫

亂石一線爭磋磨有如兔

走鷹隼落駿馬下注千丈坡斷絃離柱箭脫手飛

電過隙珠翻荷四山眩轉風掠耳但見流沫生千

渦嶮中得樂雖一快何異水伯誇秋河

續莊子秋水時至百川灌河涇

流之大兩涘渚涯之間不辨牛馬於是馬河伯欣然自喜以天下之美為盡在己也

我生乘化日夜逝

仁子

歸去來辭聊乘化以歸盡

坐覺一念逾新羅

次公傳燈錄有僧問盛禪師如何是觀面事師曰新羅國去也

紛紛爭奪醉夢裏豈信荆棘埋銅駝

厚晉索靖知天下將亂指洛陽宮門

銅駝歎曰會見汝在荆棘中

覺來俯仰失千劫回視此水殊委蛇君

看岍邊蒼石上古來篤眼如逢蠹窠但應此心無所

住

次公金剛經應無所住而生其心

造物雖駛如吾何回船上馬各歸

去多言嘒嘒師所呵

佳人未肯回秋波，幼輿欲語防飛梭。

續晉謝鯤字幼輿，鄰家高氏女有美

色鯤嘗挑之女投梭折其兩齒時人為之語曰任達不已幼輿折齒鯤聞之傲然長笑曰猶不廢我嘯歌

輕舟弄水買

一笑醉中蕩槳肩相磨

子仁杜詩巴童蕩槳敲側過

不學長安閭里

俠

厚前漢書閭里之俠原涉為冠

貂裘夜走臙脂坡

厚臙脂坡長安伎館坊名

獨將詩

句擬鮑謝涉江共采秋江荷

厚李白詩涉江弄秋水愛此荷花鮮

不知詩

中道何語但見兩頰生微渦，我時羽服黃樓上坐

見織女初斜河

續小說沈警言傳姮娥妒人不肯留照織女無賴已復斜河

歸來笛聲滿

山谷明月正照金叵羅

厚李白詩蒲萄酒金叵羅

柰何舍我入塵

土擾擾毛羣欺臥駝，不念空齋老病叟，退食誰與

同委蛇

次公詩委蛇委蛇自公退食

時來洪上看遺迹，忍見屐齒青

苔窠詩成不覺雙淚下，悲吟相對惟羊何

續宋謝靈運與族弟

惠連何長綸荷羊窠之文，章實會時人謂之四友靈欲遣佳人

苔窠詩成不覺雙淚下悲吟相對惟羊何運與族弟

惠連何長瑜荀雍羊璿之以文章賞會時人謂之四友靈運有登臨海嶠詩其序云與從弟惠連見羊和共和之欲遣佳人

寄錦字援寶滔出鎮襄陽其妻蘇氏織錦為回文詩以贈之宛轉循環辭甚淒切夜寒手冷無人

呵續李白於便殿州詔時天寒筆凍帝令宮嬪十人各執牙筆呵之令白遞取書字

和子由柳湖久涸忽有水開元寺山茶舊

無花今歲盛開二首

太昊祠東鐵墓西次公太昊祠與鐵墓皆在陳州志林云余舊過陳州留七十餘日近城可遊觀者無不至柳湖

傍有丘俗謂之鐵墓云陳胡公墓也城壕水往蓄其趾見有鐵錮之一尊曾與子同攜回瞻郡

閣遙飛檻北望牆竿半隱隄飯豆羹藜思兩鵠援漢

翟方進壞陂汝南童謠曰壞陂誰翟子威飯我豆食羹芋魁反乎覆陂當復誰言者兩黃鵠飲河喫水賴長蜺

援漢昭帝時天雨虹下屬宮中飲井水竭天投蜺則大雨也如今勝事無人共花下壺盧

鳥勸提提壺盧鳥語也

長明燈下石闌干長共杉松鬪歲寒葉厚有稜犀

甲健花深少態鶴頭丹久陪方丈曼陀雨續佛書佛說法天雨

曼陀羅花羞對先生首宿盤厚薛令之為東宮侍讀時官僚閉澹以詩自悼云朝日上團團照見先生盤盤中

無所有首宿長闌干飯澀匙難滑羹稀箸易寬只可謀朝食何由保歲寒雪裏盛開知有意明年

開後更誰看

西湖戲作信民杭頴皆有西湖東坡連守二州其到頴有謝執政啓云入參兩禁用玷北扉之榮出典

二邦輒為西湖之長

一士千金未易償次公子貢曰寧喪千金無失士心則一士比千金為多矣我從陳趙兩

歐陽舉鞭拍手笑山簡續李白襄陽歌襄陽小兒齊拍手攔街爭唱白銅鞮傍人借問笑何事笑殺山

翁醉似泥祇有并州一葛強厚晉山簡傳郡民有佳園池簡每出嬉遊多之池上置酒輒醉名曰高陽池時有兒

童歌曰山公出何許往至高陽池日夕倒載歸酪酊無所知時時能騎馬倒著白接躡離舉鞭問葛強何如并州兒葛強簡愛將也

江郊 并序

惠州歸善縣治之北數步抵江少西有盤石小潭

可以垂釣作江郊詩云

江郊蔥曠雲水蒨絢碕岸斗入洄潭輪轉

厚柳子厚流沫成輪

先生悅之布席閒燕初日下照潛鱗俯見意釣忘

魚

丙張志和每垂釣不設餌志不在魚也

樂此竿綫優哉悠哉

次公詩小雅優哉悠哉

玩

物之變

舟中夜起

微風蕭蕭吹菰蒲開門看雨月滿湖舟人水鳥兩

同夢

次公詩甘與子同夢

大魚驚竄如奔狐夜深人物不相管

我獨形影相嬉娛暗潮生渚弔寒蚓落月挂柳看

懸珠此生忽忽憂患裏清境過眼能須臾雞鳴鐘
動百鳥散船頭擊鼓還相呼

六月二十七日望湖樓醉書五絕

龜父圖經望湖樓一

名看經樓乾德七年忠懿王錢氏建去錢塘一里

黑雲翻墨未遮山白雨跳珠亂入船卷地風來忽
吹散望湖樓下水如天

放生魚鼈逐人來

敬夫天僖四年太子太保判杭州王欽若奏以西湖為放生池禁捕魚鳥為人主祈福

無

主荷花到處開

次公杜詩桃花一簇開無主

水枕能令山俯仰風船

解與月裴回

烏菱白苧不論錢亂繫青菰裏綠盤忽憶嘗新會

靈觀滯留江海得加餐

次公會靈觀在京師

獻花遊女木蘭橈細雨斜風溼翠翹

靈觀滯留江海得加餐次公會靈觀在京師

獻花遊女木蘭橈細雨斜風溼翠翹

次公張志和詩青藕笠碧蓑衣斜風

細雨不須歸

無限芳洲生杜若吳兒不識楚詞招

續屈原九歌采芳洲

兮杜若將以遺兮下女

未成小隱聊中隱

續王康琚反招隱詩大隱隱朝市小隱隱數澤

可得長閒勝暫

閒我本無家更安往故鄉無此好湖山

宿望湖樓再和



新月如佳人出海初弄色娟娟到湖上澹澹搖空

碧夜涼人未寢山靜聞響屐

厚南史謝靈運傳尋山涉嶺必造幽峻登躡嘗著木屐上山

則去其前蓋下山則去其後齒

騷人故多感悲秋更慄慄

續宋玉九辨悲哉秋之為氣也慄慄

兮若在遠行登山臨水兮送將歸

君胡不相就朱墨紛黜赤

援蘇綽事周文帝為行臺令史

參典機案始製文案程式朱出墨入

我行得所嗜十日忘家宅但恨無友

生詩病莫相詰君來試吟詠定作鶴頭側改罷心
愈疑滿紙蛟蛇黑

三月二十日開園三首 是日散父老酒食

雪顙霜鬢語僮儻澹蕩園林取次行要識將軍不

凡意 續晉書帝召桓伊飲宴謝安侍坐伊撫箏而歌怨詩謝安泣下乃越席而就之將其須曰使君於此不凡 從來祇

啜小人羹 厚左傳鄭伯賜穎考叔食考叔食舍肉曰小人厚左傳鄭伯賜穎考叔食考叔食舍肉曰小人有母皆嘗小人之食矣未嘗君之羹請以遺之

西園牡鑰夜沈沈 敬夫漢五行志成帝元延元年正月長安章城門牡牡自亡 尚有遊人

臥柳陰鶴睡覺來風露下落花飛絮滿衣襟

鬱鬱蒼顙真道友絲絲紅萼是鄉人 蒼顙松也紅萼海棠也 何時

翠竹江邨路送我柴門月色新 續杜甫詩白沙翠竹江邨莫相送柴門月色新

吉祥寺花將落而述古不至

今歲東風巧前翦裁含情只待使君來 天公張翰詩含對

吉祥寺花將落而述古不至

今歲東風巧翦裁含情只待使君來〔次公〕張祐詩含情只待舍人來對花無信花應恨直恐明年便不開

述古聞之明日即來坐上復用前韻同賦

仙衣不用剪刀裁〔次公〕劉禹錫詩仙人衣裳棄刀尺宋之問立春詠翦綵花應制詩今年春色好應被剪刀催

國色初含卯酒來〔續〕南部新書唐玄宗內殿賞牡丹謂穆脩已曰今京邑詩誰為首出脩已曰李正封詩天香

夜染衣國色朝酣酒時楊貴妃侍側上曰〔胡〕才調集有無名氏絕句云春光冉冉歸何處更太守問花花有語為

君零落為君開〔胡〕才調集有無名氏絕句云春光冉冉歸何處更向尊前把一杯盡日問花不語為誰零落為誰開

東坡一絕

雨洗東坡月色清市人行盡野人行莫嫌犖确坡

頭路〔次公〕退之詩山石犖确行徑微自愛鏗然曳杖聲

山邨五絕熙寧六年作

宋史詩集卷六

文詩卷

竹籬茅屋趁谿斜，春入山邨處處花。無象太平還

有象。續唐文宗延英對宰相曰：卿等有意外乎？牛僧孺對曰：太平無象，今雖未及至治，亦可謂小康而更求太平，非臣所及。孤

煙起處是人家

館

烟雨濛濛雞犬聲，有生何處不安生。但令黃犢無

人佩。厚龔遂為渤海太守，令民賣劍買牛，賣刀買犢，曰：何為帶牛佩犢？布穀何勞也。勸耕。次

布穀鳥名，其聲云然，俗云催耕鳥也。

老翁七十自腰鎌。續鮑明遠詩：腰鎌刈葵藿。慙媿春山筍蕨甜。豈

是聞韶解忘味。次公：班固幽通賦云：虞韶美而鳳儀兮，孔忘味於千載。爾來三月食

無鹽。次公：涅槃經云：云食中無鹽。

杖藜裹飯去匆匆，過眼青錢轉手空。贏得兒童語

音好，一年強半在城中。

竊祿忘歸我，自羞豐在底。事汝憂愁不須更待飛。

音好一年強半在城中

竊祿忘歸我自羞豐年底事汝憂愁不須更待飛

鳶隨方念平生馬少游

續後漢馬援傳援擊交趾謂官屬曰吾從弟少游常哀吾抗慨多大志曰士生

一世但取衣食裁足乘下澤車御款段馬為郡縣吏守墳墓鄉里稱善人足矣致求盈餘但自苦耳當吾在浪泊西里間虜未滅之時下潦上霧毒氣熏蒸仰視飛鳶跼跼隨水中臥念少游平生時語何可得也

二月二十六日雨中熟睡至晚強起出門

還作此詩意思殊昏昏也

卯酒困三杯午餐便一肉雨聲來不斷睡味清且

熟昏昏覺還臥展轉無由足強起出門行孤夢猶

可續泥深竹雞語邨暗鳩婦哭

無已遜齋閒覽云白蟻聞竹雞之聲盡化為水今山

林多有之其聲自呼為泥滑滑者是也師天將陰鳩輒逐其婦

明朝看此詩睡語應難讀

和李太白

并序

李太白有潯陽紫極宮感秋詩紫極宮今天慶觀也道士胡洞微以石本示余蓋其師卓玘之所刻玘有道術節義過人今亡矣太白詩云四十九年非一往不可復今余亦四十九感之次其韻玉芝一名瓊田艸洞微種之七八年矣云更數年可食許以遺余故并記之



寄臥虛寂堂月明浸疎竹泠然洗我心次公易聖人以此洗心欲

飲不可匆流光發永歎自昔非余獨行年四十九

還此北窗宿緬懷卓道人白首寓醫卜次公賈誼曰聖人不在朝廷必

在下醫晉謫仙固遠矣此士亦難復世道如奕棊變化

不容覆次公左傳視君不如奕棊惟應玉芝老待得蟠桃熟續漢武外傳西

王母言蟠桃
三千歲一熟

豆粥

君不見溥沱流澌車折軸公孫倉皇奉豆粥濕薪

破竈自燎衣飢寒頓解劉文叔

〔續〕後漢馮異傳異字公孫
王郎起光武自鄭東南馳

晨夜草舍至饒陽蕪萋亭時天寒冽衆皆飢疲異上豆粥明旦光武謂諸
將曰昨得公孫豆粥飢寒俱解及至南宮遇大風雨光武引車入道傍空
舍異抱薪鄧禹蕪火光武對竈燎衣異復進麥飯因復渡溥沱河至信都
次公其後光武詔曰倉卒蕪萋亭豆粥溥沱河麥飯厚意久不報或曰溥
沱河乃是麥飯而先生用為豆粥此蓋
痛快行語不復檢本耳惟先生則可 又不見金谷敲冰艸木

春帳下烹煎皆美人萍壑豆粥不傳法咄嗟而辦

石季倫

〔厚〕晉石崇為客作豆粥咄嗟便辦每冬得韭萍壑王愷每以
不能及為恨乃密貨崇帳下問其所以答云豆至難孰豫作熟

末客來但作白粥以投之韭萍壑是擣韭
根雜以麥苗耳崇有別館在河陽之金谷

干戈未解身如寄聲

色相纏心已醉身心顛倒自不知更識人間有真

味豈如江頭千頃雪色蘆茅檐出沒晨煙孤地確

春秔光似玉沙餅煮豆軟如酥我老此身無著處

賣書來問東家住次公杜詩盡枯書籍賣來問爾東家臥聽雞鳴粥熟時

蓬頭曳履君家去

到潁未幾公帑已竭齋廚索然戲作數句

我昔在東武吏方謹新書次公東武密州也新書言新法行減公使庫錢也齋空

不知春次公齋字指言公庫也古人云齋酒者是也客至先愁予采杞聊自誑

食菊不敢餘次公密州又曰膠西先生嘗作後杞菊賦其序曰移守膠西意且一飽而齋廚索然不堪其憂日與通守劉君

庭式循古城廢園求杞菊食之其賦有曰曾杯酒之不設攬艸木以誑口今詩蓋述往事耳歲月今幾何齒髮

日向疎幸此一郡老依然十年初夢飲本來空次公

唐文粹有何諷渴賦皆言夢飲之事真飽竟亦虛次公佛書寶積經云說食者竟無所飽夢飽者竟無所得尚有

赤脚婢蘇東坡詩集注卷六能烹鱖尾魚魚鱖尾心知皆夢

赤脚婢

續退之贈玉川子詩曰一婢赤脚老無齒

能烹鱖尾魚

厚詩鮓魚鱖尾

心知皆夢

耳慎勿歌歸歎

和子由次月中梳頭韻

十朋子由詩序云轍有白髮近二十年矣然止百餘

莖不增不減虔州道人王正彥教令拔去以真水火養之恐不復更生從其言已數月而白髮不出更年歲不見豈真不生邪子瞻兄示我月中梳頭詩戲次來韻言拔白之驗詩曰水上有車車自翻懸流如線垂前軒霜蓬已枯不再綠有客勸我拔其根枯根一去紫茸出珍重已試幽人言紛紛華髮不足道當返六十過去魂

夏畦流膏白雨翻北窗幽人臥羲軒

續陶潛嘗言夏日虛閒高臥北窗之

下清風颯至自謂羲皇上人

風輪曉長春筍節露珠夜上秋禾根

或為

予言艸木之長常在昧明間早作而伺之乃見其拔起數寸竹筍尤甚又夏秋之交稻方含秀黃昏月出露珠起於其根纍纍然忽自騰上若有推之者或入於莖心或垂於葉端稻乃秀實驗之信然此二事與子由養生之說契欲以此為寄

從來白髮有公道

厚杜牧詩公道世間唯白髮貴人頭上不曾饒

始信丹經非妄言此身法報本無

二次公法報以言法身報身也乃佛氏之說華嚴合論中詳矣

不復有解化之事

他年妙絕兼形魂

傳燈錄有形神俱妙者乃

黃州

館

南山一尺雪雪盡山蒼然澗谷深自暖梅花應已
繇使君厭騎從車馬留山前行歌招野叟共步青
林間長松得高蔭盤石堪醉眠祇樂聽山鳥攜琴
寫幽泉愛之欲忘返但苦世俗牽歸來始覺遠明
月高峰巔

無題

浙

六秩行當啓區中緣更疎不貪爲我寶安步當君
車故國多喬木先人有敝廬誓將閒散好不著一

行書

縱筆

案此詩執政聞而怒之再貶僖耳

白頭蕭散滿霜風
小閣藤牀寄病容
報道先生春睡美
道人輕打五更鐘

鳴泉思思君子也
君子抱道且殆而時弗與
民咸思之鳴泉故基堙圯殆盡
眉山蘇公搔首踟躕作鳴泉思以思之

鳴泉鳴泉經雲而潺湲拔其毛骨者修竹蒸爲雲氣者霏煙山夔莫能隱其怪野翟詎敢藏其妍茅蘆蕭蕭昔有人焉其高如山其清如水其心金與玉其道砥與絃執德沒世落月入地英名皎然陽

義麗天舊隱寂寂新篁娟娟思彼君子我心若懸
谷鳥在上巖花炫前鳴泉鳴泉能使我宛結而華
顛

老人行

有一老翁老無齒處處無人問年紀白髮如絲向
下垂一雙眸子碧如水不裹頭又無履相識雖多
少知己問翁畢竟何所止笑言只在紅塵裏秋風
獵獵行雲飛老人此意無人會目注雲歸心自知
黃口小兒莫相笑老人舊日曾年少浪迹常如不
繫舟地角天涯知自跳亦曾樂半夜傳籌醉朱閣
美人如花弄絃索只恨尊前明月落亦曾憂羈旅

他鄉迫莫秋故國日邊無信息斷鴻空逐水長流

美人如花弄絃索只恨尊前明月落亦曾憂羈旅
他鄉迫莫秋故國日邊無信息斷鴻空逐水長流
或安貧或安富或爵通侯封萬戶一任秋霜換鬢
毛本來面目長如故水有蘋兮山有芝人意雖存
事已非有時却憶經遊處都似茫茫春夢歸邇來
尤解安貧賤不爲公卿強陪面皎如明月在秋潭
動著依前還不見還不見可柰何空使遠人增眷
戀但祇從他隨物轉青樓黃閣長相見若相見莫
殷勤却是翁家舊主人

夢中絕句

楸樹高花欲插天暖風遲日共茫然落英滿地君
方見惆悵春光又一年

絕句

紫桑春晚思依依屋角鳴鳩雨欲飛昨日已收寒
食火吹花風起却添衣

洗兒

人皆養子望聰明我被聰明誤一生惟願孩兒愚
且魯無災無難到公卿

無題

引手攀紅櫻紅櫻落如線仰首看紅日紅日走如
箭年光與時景頃刻互衰變何當血肉身安得常
強健人心苦執迷富貴憂貧賤憂色常在眉歡容
不上面吾今頭半白把鏡非不見惟應花下杯更

待他人勸

古風

精神洞元化白日升高旻俯仰凌倒景龍行逸如
神半道過紫府弭節聊逡巡金牀設寶几璀璨明
月珍仙者二三子眷然骨肉親飲我霞石杯放杯
恍如春遂朝玉虛上冠劍班列真無端拜失儀放
棄令自新雲霄難遽返下土多埃塵淮南守天庖
嗟我復何人

絕句二首

峨峨疊石立何孤賴有蕭蕭翠竹俱日莫無人鷗
鳥散空留遠水伴寒蘆

二百十
魚東坡言集注卷一
漠漠秋高露氣清新蒲倚石近谿生夜來雨後西
風急靜向窗前似有聲

絕句三首

館

松柏蕭森谿水南道人只作兩團菴市區收罷豚
魚稅來與彌陀共一龕

此身分付一蒲團靜對蕭蕭竹數竿偶爲老僧煎
茗粥自攜修綆汲清泉
天風吹月入闌干烏鵲無聲夜向闌織女明星來
枕上乃知身不在人間

襍詩

昔日雙鷗照淺眉如今婀娜綠雲垂蓬萊老守明

朝去陽斷簾間蟋蟀悲

昔日雙鷗照淺眉如今婀娜綠雲垂蓬萊老守明
朝去腸斷簾間蟋蟀悲

虛飄飄三首

虛飄飄畫檐蛛結網銀漢鵲成橋塵漬雨桐葉霜
飛風柳條露凝殘點見紅日星曳餘光橫碧霄虛
飄飄比浮名利猶堅牢

虛飄飄花飛不到地虹起謾成橋入夢雲千疊游
空絲萬條蜃樓百尺橫蒼海雁字一行書絳霄虛
飄飄比人身世猶堅牢

虛飄飄風寒吹絮浪春水暖冰橋勢緩雙垂線聲
乾葉下條雨中漚點隨流水風裏彩雲橫碧霄虛
飄飄比時富貴猶堅牢

古意

兒曹鞭笞學官府翁憐兒癡旁笑侮翁出坐曹鞭
復呵賢於羣兒能幾何兒曹鞭人以為戲公怒鞭
人血流地等為戲劇誰復先我笑為翁兒更賢

第五橋

白露淒風洗瘴煙夢回相對兩淒然崔羅廷尉非
當日鳩杖先生愈少年世事飽諳思縮手主恩未
報恥歸田誰憐第五橋東水獨照台州老鄭虔

雷州八首

白髮坐鉤黨南遷瀕海州灌園以餬口身自襍蒼
頭籬落秋暑中碧花蔓牽牛誰知把鉏人舊日東

頭籬落秋暑中碧花蔓牽牛誰知把鉏人舊日東
陵侯

荔子無幾何黃柑遽如許遷臣不惜日恣意移寒
暑層巢俯雲木信美非吾土艸芳自有時鷓鴣何
關汝

下居近流水小巢依嶺岑終日數椽間但聞鳥遺
音爐香入幽夢海月明孤斟鷓鴣一枝足所恨非
故林

培塿無松柏駕言此焉游讀書與意會却掃可忘
憂尺蠖以時屈其伸亦非求得歸良不惡未歸且
淹留

粵嶺風俗殊有疾時勿藥束帶趨房祀用史巫紛

若絃歌薦繭粟奴至洽觴酌呻吟殊未央更把雞
骨灼

粵女市無常所至輒成區一日三四遷處處售鰓
魚青裙脚不韞臭味猿與狙孰云風土惡白洲生
綠珠

海康臘已酉不論冬孟仲殺牛搗鼓祭城郭為傾
動雖非堯頒曆自我先人用苦笑荆楚人嘉平臘
雲夢

舊時日南郡野女出成群此去尚應遠東風已如
雲蚩氓託絲布相就通殷勤可憐秋胡子不遇卓
文君

出坡陀行

出坡陀行

山坡陀兮下屬江勢厓絕兮游波所蕩如頽牆松
第律兮百尺傍拔此驚葛藟之上不見日兮下可
依吾曳杖兮吾僮亦吾之書隨藐余望兮水中泚
頽然而長者黃冠而羽衣漣頤坦腹盤石箕坐兮
山亦有趾安不危四無人兮可忘飢仙人偃佺自
言其居瑤之圃一日一夜飛相往來不可數使其
開口言兮豈惟河漢無驚極余心默不言兮蹇昭
氏之不鼓琴檐將山河與日月長在若有人兮夢
中仇池我歸路此非小有兮噫乎何以樂此而不
去昔余游於葛天兮身非陶氏猶與偕乘渺茫良

未果兮僕夫悲余馬懷聊逍遙兮容與晞余髮兮
 蘭之渚余論世兮千載一人猶並時余行詰曲兮
 欲知余者稀峨峨洋洋余方樂兮譬余繫舟於水
 魚潛鳥舉亦不知何必每念輒得應余若響坐有
 如此兮人子期

蘇東坡詩集注卷第六

浙江圖

蘇東坡詩集注卷第七

蘇東坡詩集注卷第七

書事

河復

并序

熙寧十年秋河決澶淵注鉅野入淮泗自澶魏以
北皆絕流而齊楚大被其害彭門城下水二丈八
尺七十餘日不退吏民疲於守禦十月十三日澶
州大風終日既止而河流一枝已復故道聞之喜
甚庶幾可塞乎乃作河復詩歌之道路以致民願
而迎神休蓋守土者之志也

君不見西漢元光元封間河決瓠子二十年

續瓠子隄名也

在今澶州漢元光中河決瓠子東南注鉅野通於淮泗塞之輒復壞後二十餘年元封二年前有萬里沙過祠太山還至瓠子自臨決河築宣房

於是作宣房之歌次公前漢武帝元光元年歲在丁未盡六年改元朔則歲在癸丑盡六年改元狩則歲在己未盡六年改元鼎則歲在乙丑盡六年改元封則歲在辛未自元光至元封凡二十五年案溝洫志元光中河決瓠子此元光之決也又云上有事萬里沙回還自臨河此元封之決也
先生詩蓋言此兩段事
 鉅野東傾淮泗滿楚人恣食黃河鱸次公武帝作鉅

子之歌有云吾山平兮鉅野溢又曰蠶浮桑兮淮泗滿曾直魏武帝四時食制鱸魚大如五斗奩長一丈郭璞注爾雅鱸魚長二丈
 沙回封禪罷師萬里沙神祠也在萊州掖縣
 初遣越巫沈白馬續上有事萬里沙回

自臨決河沈白馬玉壁次公郭祀志云既滅南越命越巫立越祝沈白馬
 河公未許人力窮薪芻萬計隨流下厚河渠書天子令羣臣從官自將軍已下皆負薪真決河作歌曰塞長芟兮沈美玉河伯許兮薪不屬
 吾君

仁聖如帝堯百神受職河神驕師禮記禮行於郊而百神受職焉
 帝遣風師下約束北流夜起澶州橋東風吹凍收微涿

神功不用淇園竹續武帝塞瓠子時東郡燒艸以故薪柴少而下淇園之竹以為楗
 楚人種

麥滿河淤仰看浮槎棲古木援柳宗元詩渡頭水落邨徑成撩亂浮槎在高樹

庚辰歲人日作詩聞黃河已復故流老臣

康辰歲人日作詩聞黃河已復故流老臣

舊數論此今斯言乃驗

夢仙案年譜元符三年庚辰先生年六十五在僖耳五

月徽宗皇帝量移廉州

老去仍栖隔海邨夢中時見作詩孫

須溪此句為仲虎發也陸務觀云在

蜀見蘇山藏公墨迹疊韻竹後題云寄作詩孫符

天涯已慣經人日歸路猶欣過

鬼門

厚山水志廣南西路容牢二州界有鬼門關

三策已應思

賈讓

續漢哀帝時賈讓奏言治河三策今見溝洫志

孤忠終未赦虞翻

厚三國志虞翻性疎直數

有酒失孫權積怒放之交州在南十餘年卒

典衣贖買河源米屈指新芻作上

元

不用長愁挂月邨

任杜詩月挂客愁邨

檳榔生子竹生孫

自注海南勒竹

每節生枝如竹竿大蓋竹孫也

新巢語燕還窺研舊雨來人不到門春

水蘆根看鶴立夕陽楓葉見雅翻此生念念隨泡

影莫認家山作本元

自注言雖寄旅於海上不
必以家山方是本元也

江漲用過韻

館

艸木生故墟牛羊滿空瀆春江圍艸市夜浪浮竹

屋

信祖唐房千里為竹室記云子環堵所棲率用竹以結其
四周植者為柱楣撐者為椽桷破者為雷削者為障

已連漲海

白尚帶霍山綠

次公霍山則惠
州江所出也

坎離更休王

次公坎水也離
火也火旺則水

休水旺則
火休也

魚鼈橫陵陸得非昆侖囚欲報陸渾

次公

陸渾縣名皇甫湜為令有山火詩韓退之和之其詩盛陳山火之熾勢以
為火官用事而水官告之於帝帝謂之曰此蓋時行使然汝於申酉之月

然後可騁乃溺火官之邑已而囚火
官於昆侖以報怨也陸渾劔劔敗也

行看北風競

續左傳晉人聞有
楚師師曠曰吾驟

歌北風又歌南
風南風不競

來救南國

援左傳成十六年云南
國感射其元王中厥目

長驅連山

燒一掃含沙毒

厚山海經大荒南有蛇處水
中含少射人影中則成瘡

孤吟愍造化何

時停倚伏當憐水旱氓不作舟車蓄

厚史記旱則資車
水則資舟物之理

時停倚伏當憐水旱氓不作舟車蓄

厚史記旱則資車水則資舟物之理

也江流儻席卷社酒期茅縮

次古者以茅縮酒如左傳云楚貢包茅不入無以縮酒是也

連雨漲江二首

官

越井岡頭雲出山牂牁江上水如天牀牀避漏幽

人屋

續杜甫茅屋為秋風所破歌牀牀屋漏無乾處

浦浦移家蚤子船龍卷魚鰕

并雨落人隨雞犬上牆眠只應樓下平階水長記

先生過嶺年

急雨蕭蕭作晚涼臥聞榕葉響長廊

厚柳子厚詩山城雨過百花盡榕葉

滿庭鶯亂啼

微明燈火耿殘夢半溼簾帷浥舊香高浪隱

牀吹甕盎聞風驚樹擺琳琅先生不出晴無用留

向空階滴夜長

頃年楊康功使高麗還奏乞立海廟版橋
 僕嫌其地湫隘移書使遷之文登因古廟
 而新之楊竟不從不知定國何從見此書
 作詩稱道不已僕復不記其云何也次韻
 答之

退之仙人也遊戲於斯文談笑出偉奇鼓舞南海

神

次公韓退之有南海神廟碑最為奇絕

頃年三韓使

次公三韓使指言楊康公也高麗謂之三韓曰晨韓曰弁韓曰

馬

幾為蛟鱷吞歸來築祠宇要使百賈奔

版橋商賈所聚我

欲遷其廟下數浮空羣

謂登州海市

移書竟不從信非磊

落人公胡為拳拳繫此空中雲作詩頌其美何異

刻劍痕

次公楚人有行船而失劍乃刻舟記之欲以求劍焉事出呂氏春秋

我今已括囊象在

六四坤

援易坤卦六四曰括囊无咎无譽

兩橋

并引

惠州之東江溪合流有橋多廢壞以小舟渡羅浮道士鄧守安始作浮橋以四十舟為二十舫鐵鎖石釘隨水漲落榜曰東新橋州西豐湖上有長橋屢作屢壞栖禪院僧希固築進西岸為飛閣九間盡用石鹽木堅若鐵石榜曰西新橋皆以紹聖三年畢工作二詩落之

羣鯨貫鐵索背負橫空霓

次公羣鯨以言四十舟霓以言兩橋也

首搖翻雪

江尾插崩雲谿機牙任信縮漲落隨高低轆轤卷巨索青蛟挂長堤犇舟免狂觸脫筏防撞擠一橋

何足云謹傳滿東西父老有不識喜笑爭攀躋魚

龍亦驚逃雷電生馬蹄嗟此病涉久公私困留稽

姦民食此險出沒如鳧鷖似賣失船壺

伯恭遜齋閒覽云傳云中流失

船一壺千金壺乃今所謂浮環者凡渡江海必預備浮環以虞風濤覆溺之患其形如環而空中用帛為帶挂之項上出兩手以按之則浮而不溺

可以待救至今浙人呼為壺如去登樓梯

次公後漢劉琦嘗與諸葛亮謀自安之術亮初不對乃共升樓因去梯謂亮曰

今日上不至天下不至地言不知百年來幾人隕沙泥豈知

出千口而入吾耳可以言未

濤瀾上安若堂與閨往來無晨夜醉病休扶攜使

君飲我言妙割無牛雞不云二子勞歎我捐腰犀

二子造橋子嘗助施犀帶我亦壽使君一言聽扶藜常當修未壞勿

安公左傳若不早圖後君噬臍

使後噬臍昔橋本千柱挂湖如斷霓浮梁陷積淖破版隨奔

奚笑看遠岸沒坐覺孤城低聊因三農隙續左傳秦

溪笑看遠岸沒坐覺孤城低聊因三農隙

續左傳春蒐夏苗秋

彌冬狩皆於農隙以講事也

稍進百步隄炎州無堅石潦水輕推擠

千年誰在者鐵柱羅浮西獨有石鹽木白蟻不敢

躋似開銅駝峰如鑿鐵馬蹄岌岌類鞭石

厚三齊略記秦始皇

作石橋於海上欲過海看日出處有神人驅石石去不速神人鞭之乃流血

山川非會稽

次公始皇所作石橋在今會稽

郡石猶作赤色也

嗟我久閣筆不書紙尾鷺

次公法帖中有王氏一帖最後大書一鷺字相

傳此帖之珍所酬至五十餘萬云

蕭然無尺筆欲搆飛空梯百夫下一

杙

厚爾雅檝謂之杙注云檠也

椽此百尺泥

橋柱石礫之下皆有堅木椽入泥中丈餘謂之頂椿

探囊

賴故侯寶錢出金閨

子由之婦史頤入內得賜黃金錢數十助施

父老喜雲集

簞壺無空攜三日飲不散殺盡西邨雞似聞百歲

前海近湖有犀

橋下舊名鱉湖蓋常有蛟鱉之類

那知陵谷變枯瀆生

五石州
蘇軾詩集卷之一
五十一
甘明
芟藜後來忽忘今冬涉水過臍

李公擇求黃鶴樓詩因記舊所聞於馮當

世者

館

黃鶴樓前月滿川抱關老卒飢不眠夜聞三人笑
語言羽衣著屐響空山非鬼非人意其仙石扉三
扣聲清員洞中鏗鉉落門關縹緲入石如飛煙雞
鳴月落風馭還迎拜稽首願執鞭汝非其人骨腥
膾黃金乞得重莫肩持歸包裹弊席羶夜穿茅屋
光射天里閭來觀已變遷似石非石鉛非鉛或取
而有衆忿喧訟歸有司今幾年無功暴得喜欲顛
神人戲汝真可憐

續退之感二鳥賦雖得之而不能乃鬼神之所戲

願君為考然

不然此語可信馮公傳

監試呈諸試官

邦衡案先生文集年譜熙寧五年先生在杭州監試

我本山中入寒苦盜寸廩文詞雖少作勉強非天

稟既得旋廢忘嬾惰今十稔麻衣如再著墨水真

可飲續梁試進士不中程者飲以墨水援唐嚴選舉之法棘闈舉人至渴有飲墨水者子仁北齊選舉濫者飲墨水一斗每聞

科詔下白汗如流潘此邦東南會多士敢題品芻

蕘盡蘭蓀香不數葵荏貧家見珠貝眩晃自難審

緬懷嘉祐初文格變已甚女公嘉祐初文格雕鏤千金碎

全壁百衲收寸錦調和椒桂釀咀嚼沙礫磣廣眉

成半額厚馬廖言城中好廣眉四方皆半額學步歸蹕蹻續莊子壽陵餘子學行於邯鄲失其故步匍匐

而歸又云夔以一足蹠蹕而行維時老宗伯援言歐陽永叔也氣壓羣兒凜蛟龍

神人戲汝真可憐雖退之感二鳥賦雖得願君為考然

不世出魚鮪初驚滄

續禮運以龍為畜故魚鮪不滄滄魚駮貌

至音久乃信

知味猶食椹

續詩泮宮翩彼飛鵝集于泮林食我桑椹懷我好音

至今天下士微管

幾左衽謂當千載後石室祠高朕

厚高朕漢末為蜀郡守興設學校修周公禮教

邦人立石室祠之在文翁石室傍

爾來又一變此學初誰諗權衡破舊法

芻豢笑凡飪高言追衛樂

次公衛玠樂廣言其時尚虛無之學也

篆刻鄙

曹沈

次公曹植沈約言時以詩賦為篆刻而不用也

先生周孔出弟子淵騫寢

次公

楊子或問淵騫曰在寢

却顧老鈍軀頑樸謝鐫鋟諸君況才傑

容我嬾且噤聊欲廢書眠秋濤春午枕

試院煎茶

蟹眼已過魚眼生

任蔡君謨作茶辨辨水泉煮飲等極為詳備有蟹眼魚眼用湯之法潘茶經云凡候湯有三沸

如魚眼微有聲為一沸四向如涌泉連珠為第二沸騰波鼓浪為三沸則湯老

颼颼欲作松風鳴蒙茸

出磨細珠落旋轉繞既飛雪輕銀餅瀉湯誇第二

出磨細珠落眩轉繞甌飛雪輕銀餅瀉湯誇第二

續惠山泉煎茶為第二次公此乃是尋常點茶時先略傾餅中湯方點謂之第二湯也未識古人煎水意古語

云煎水不煎茶君不見昔時李生好客手自煎貴從活火發

新泉續因話錄李約嗜茶能自煎謂人曰茶須緩火炙活火煎活火謂炭之有燄方熾者又不見今時潞

公煎茶學西蜀定州花瓷琢紅玉我今貧病常苦

飢分無杯盃捧蛾眉且學公家作茗飲博爐石銚

行相隨不用撐腸拄腹文字五千卷厚盧全謝孟諫議寄新茶詩三椀搜

枯腸惟有文但願一甌常及睡足日高時厚盧全新茶詩日高丈五睡正濃軍

將打門驚周公

催試官考較戲作

八月十五夜月色隨處好不擇茅檐與市樓況我

官居似蓬島鳳味堂前野橋香劒潭橋畔秋荷老

八月十八潮堯卿案正和中呂昌明所定浙江潮候云春秋同候初三十八未正潮壯觀天下無

鷗鵬水擊三千里組練長驅十萬夫厚楚子重伐吳使鄧廖帥組甲三百

被練三千以侵吳紅旗青蓋互明滅次公紅旗青蓋言弄潮也黑沙白浪相吞

屠人生會合古難必此景此行那兩得願君聞此

添蠟燭門外白袍如立鵠圖

八月十七復登望海樓自和前篇是日傍

出與試官五人復留五首

樓上煙雲怪不來樓前飛紙落成堆非關文字須

重看却被江山未放回

眼昏燭暗細行斜考閱精強外已誇明日失杯君

莫怪早知安足不成蛇續陳軫曰人有遺舍人一危酒者舍人相謂曰畫地為蛇蛇先成者獨飲之一

眼昏燭暗細行斜考閱精強外已誇明日失杯君

莫怪早知安足不成蛇

續陳軫曰人有遺舍人一卮酒者舍人相謂曰畫地為蛇蛇先成者獨飲之一

人曰吾蛇先成吾能為之足人奪之酒曰蛇固無足今為之足非蛇也

亂山遮曉擁千層睡美初涼撼不膺昨夜酒行君

屢歎定知歸夢到吳興

天台桂子為誰香

厚唐垂拱中天台桂子落十餘日方止云陸龜蒙詩注

倦聽空階

夜點涼賴有明朝看潮在萬人空巷鬪新妝

秋花不見眼花紅身在孤舟兀兀中

次公言在試院中秋花不得見但見

眼花紅而已

細雨作寒知有意未教金菊出蒿蓬

宋叔達家聽琵琶

數絃已品龍香撥

續楊貴妃琵琶以邏紗檀為槽龍香版為撥厚鄭愚津陽門詩玉奴琵琶龍香撥玉奴太

真小字

半面猶遮鳳尾槽

續白樂天琵琶行千呼萬喚始出來猶抱琵琶半遮面厚楊妃傳寺人白季登使還

進木潤如玉光耀可鑒
有金縷紅文感如雙鳳
新曲翻從玉連鎖
厚玉連鎖今曲名次公歐陽詩云杜彬琵琶皮

作絃自從彬死世莫
傳玉連鎖聲入黃泉
舊聲終愛鬱輪袍
續王維因岐王為介以琵琶新聲之怨切者奏於公

主主曰此何曲
維曰號鬱輪袍
夢回只記歸舟字
續李生者其舅盧有道術謂李生曰求得善筮篋者令侍飲生

視筮篋上有朱字云雲中辨江樹天際識歸舟後李生娶陸長源女乃所
見於舅家者問有何能曰善筮篋取而視之朱字宛然見太平廣記云

賦罷雙垂紫錦條
堯卿紫錦條見張說琵琶賦
何異烏孫送公主
厚傅

玄琵琶賦序曰故老言漢送烏孫公主
念其行道思慕使知音者於馬上奏之
碧天無際雁行高

款塞來享

蠢爾氏羌國天誅亦久稽既能知面內不復議征

西斥候銷烽火邊城息鼓輦輸忠修貢職棄過為

黔黎雪滿流沙靜雲沈太白低巍巍二聖治盛德

古難齊

見開西胡次吳左丞韻

古難齊
觀開西湖次吳左丞韻

偉人謀議不求多事定紛紛自唯阿盡放龜魚還
綠浦肯容蕭葦障前坡一朝美事誰能絕百尺蒼
厓尚可磨天上列星當亦喜月明時下浴明波

聞洮西捷報

漢家將軍一丈佛詔賜天池八尺龍露布朝馳玉
關塞捷書夜到甘泉宮似聞指揮築上郡已覺談
笑無西戎牧臣不見天顏喜但驚艸木放春容

已未十月十五日獄中恭聞太皇太后不
豫有赦作詩

庭柏陰陰晝掩門烏知有赦鬧黃昏漢宮自種三

生福楚客還招九死魂縱有鉏犁及田畝已無面目見丘園只應聖主如堯舜猶許先生作正言

聽僧昭素琴

館

温和無攫繹

〔續〕騶忌子言鼓琴曰攫之深繹之俞者政之平也

至平無按抑不知

微妙聲究竟從何出散我不平氣洗我不和心此心知有在尚復此微吟

圖

聽賢師琴

汪

大絃春温和且平小絃廉折亮以清

〔厚〕騶忌子以鼓琴見齊威王曰夫大

絃濁以春温者君也小絃廉折以清者臣也

平生未識宮與角但聞牛鳴盎中

雉登木

〔續〕管子地負篇凡聽微如負豬豕覺而駭凡聽羽如鳴馬在野凡聽宮如牛鳴窳凡聽商如離羣羊凡聽角如雞登木以鳴音

疾而清

門前剥啄誰叩門山僧未閒君勿嗔歸家且覓

千斛水淨洗從前箏笛耳

〔次〕公樂天廢琴詩何物使之然羌笛與秦箏先生詩話云昵昵兒女

青而門前剥啄誰叩門山僧未聞君勿嗔歸家且覓

千斛水淨洗從前箏笛耳

次公樂天廢琴詩何物使之然羌笛與秦箏先生詩話云昵昵兒女

語恩怨相爾汝劃然變軒昂勇士赴敵場此退之聽穎師琴詩也歐陽公嘗問僕琴詩何者最佳余以此答之公言此詩固奇麗然自是聽琵琶詩非琴詩余退而作杭僧惟賢詩云云且曰詩成欲寄公而公薨至今以為恨

潤州甘露寺彈箏

多景樓上彈神曲

次公神曲蓋今箏中有之舊注却引白樂天詩夜聞箏中彈瀟湘送神曲有感非是堯卿楊玄

素云孫朱巨源王存正仲與東坡同遊多景樓京師官伎皆在而胡琴者姿伎尤妙三公皆一時英彥境之勝客之秀伎之妙真為希遇酒闌巨源請於東坡曰殘霞晚照非奇詞遂作采桑子所謂多情多感仍多病多景樓中是也欲斷哀絃再三促江

妃出聽霧雨愁

續郭璞江賦馮夷倚浪以傲睨江神含頰而餘眇

白浪翻空動浮

玉喚取吾家雙鳳槽

堯卿潘岳笙賦云光伎儼其階列雙鳳槽以和鳴

遣作三

峽孤猿號

堯卿梁簡文巴東三峽歌云巴東三峽巫峽長猿鳴三聲淚霑裳

與君合奏芳春

調啄木飛來霜樹杪

堯卿文忠公於劉功曹家見楊直講女奴彈琵琶詩云大絃聲遲小絃促十歲嬌門

彈啄木啄木不啄新生枝唯啄牙槎枯木腹啄木飛從何處
來花間葉底時丁丁林空山靜聲逾響行人舉頭飛鳥驚

陌上花三首 并引

游九仙山聞里中兒歌陌上花吳越王妃每歲春
必歸臨安王以書遺妃曰陌上花開可緩緩歸矣
吳人用其語為歌含思宛轉聽之淒然而其詞鄙
野為易之云



陌上花開蝴蝶飛江山猶是昔人非遺民幾度垂
垂老游女長歌緩緩歸

陌上山花無數開路人爭看翠輦來若為留得堂
堂去且更從教緩緩回

生前富貴艸頭露 續杜詩惜君只欲苦死
留富貴何如艸頭露 身後風流陌上

花且作遲遲君去魯獨歌緩緩妾回家

生前富貴州頭露雖杜詩惜君只欲苦死身後風流陌上

花且作遲遲君去魯獨歌緩緩妾回家

刁景純賞瑞香花憶先朝侍宴次韻

敬夫廬山記云

瑞香花熱而香烈非羣芳之比其始蓋出此山

上苑夭桃自作行劉郎去後幾回芳厭從年少追

新賞閒對宮花識舊香欲贈佳人非泛洎

續秦洎詩伊其相謔贈之

以芍藥

好紉幽佩弔沈湘

援離騷紉秋蘭以為佩

鶴林神女無消息

為問何年返帝鄉

鶴林神女見前冬日牡丹詩注

九月十五日觀月聽琴西湖示坐客

白露下衆艸碧空卷微雲孤光為誰來似為我與

君水天浮四座河漢落酒尊使我冰雪腸不受麴

蘖熏尚恨琴有絃出魚亂湖紋哀彈本舊曲妙耳

非昔聞良時失俯仰此見寧朝昏懸知一生中道
眼無由渾

聽武道士彈賀若

清風終日自開簾涼月今宵肯挂檐琴裏若能知

賀若

〔編〕賀若琴操名唐宣宗時待詔賀若所製

詩中定合愛陶潛

〔次公〕賀若之曲其聲雅澹而

有餘韻猶陶潛詩外枯而中腴故以比焉

舟中聽大人彈琴

彈琴江浦夜漏永斂衽竊聽獨激昂風松瀑布已
清絕更愛玉佩聲琅璫自從鄭衛亂雅樂古器殘
破世已忘千年寥落獨琴在有如老仙不死閱興
亡世人不容獨反古強以新曲求鏗鏘微音澹弄

忽變轉數聲浮胞如笙簧無情枯木今尚爾何况

亡世人不容獨反古強以新曲求鏗鏘微音澹弄

忽變轉數聲浮胞如笙簧無情枯木今尚爾何況
古意隋渺茫江空月出人響絕夜闌更請彈文王

續古琴調
有文王操

次韻子由彈琴

琴上遺聲久不彈琴中古意本長存苦心欲記常
迷舊信指如歸自著痕應有仙人依樹聽空教瘦
鶴舞風騫誰知千里溪堂夜時引驚猿撼竹軒

南日令道士趙

宗有彈琴溪堂

祥符寺九曲觀燈

商老案杭州圖經大中祥符寺在
城北宋朝大中祥符初賜今號九

曲法濟院在錢塘門
外寺有明軒爽軒云

紗籠擎燭迎門入銀葉燒香見客邀

事見諸
香名譜

金鼎轉

丹光吐夜寶珠穿蟻鬧連宵

次公小說載有以九曲寶珠欲穿之而不得問之孔子孔子教

以塗脂於線使蟻通焉

波翻燄裏元相激魚舞湯中不畏焦

續三國時

有術士以藥傅魚投沸鼎中徘徊不死次公此直言琉璃燄水置魚其中其後點燈魚游泳而不畏耳今燈富處皆然舊注所引非是

明日

酒醒空想像清吟半逐夢魂銷

次韻穎叔觀燈

安西老守是禪僧到處應然無盡燈
永夜出遊從萬騎諸羌入看擁千層
便因行樂令投甲不用防秋更打冰
振旅歸來還侍燕十分宣勸恐難勝

聞錢道士與越守錢穆父飲酒送二壺

龍根為脯玉為漿

師幽怪錄有巴邛人不知姓嘗入橘林見一大橘如三四斗蓋巴人異之令攀橘剖開中有二

老叟相對奕身長尺餘一叟曰橘中之樂不減商山但恨不得深根固蒂耳一叟曰僕飢虛矣須龍脯食之食訖以水嚙地為二白龍乃去又十洲

記瀛洲有五膏如酒名曰玉酒飲杯輒醉令人下界寒酸亦設嘗

記瀛洲有玉膏如酒名曰玉酒飲杯輒醉令人
長生任上元夫人謂漢武帝曰鳴天鼓飲玉漿
下界寒酸亦謾嘗

一紙鵝經逸少醉續晉王羲之傳山陰道士好養鵝羲之往觀
焉意甚悅固求市之道士云為寫道德經當

舉羣相贈羲之欣然寫畢籠鵝而歸他年鵬賦謫仙狂續李白觀晉阮宣子大鵬
贊心陋之遂作大鵬賦以

窮宏達之旨金丹自足留衰鬢子仁抱朴子內篇曰金丹燒之
愈久變化愈妙令人不老不死苦淚

何須點別腸吳越舊邦遺澤在定應符竹付諸郎

援漢文帝初與郡守為竹符分為二以古留京師
以左與之師穆父與錢道士皆吳越王錢鏐之後

次韻潛師放魚子蒼參寥子詩集載此詩其序云虛
白齋與子瞻共坐有客饋魚於子瞻子

瞻遣放之遂命賦是詩有使君事道不事
腹杞菊終年食甘美之句子瞻遂次其韻

法師說法臨泗水無數天花隨塵尾堯卿法雲母吳氏
初生雲時忽見雲

氣滿室光色瑩徹因名法雲出家之後更不易之時梁武方重佛法尤敬
於雲與誌公相若誌公亦重焉號為大林法師雲方講次有天花散墜舉

眾咸見歎異非常又維摩詰寶有天女見諸天人聞所說法便見其身即
以天花散諸菩薩大弟子上花至菩薩即皆墜落至大弟子便著不墜

勸將淨業種西方莫待夢中呼起起

厚鄭玄夢孔子告之曰起起今年歲

在辰明年歲在巳既寤以讖合之曰辰為龍已為蛇歲在龍蛇賢人嗟知命將終矣

哀哉若魚竟坐口遠

媿知幾穆生醴況逢孟簡對盧仝

續孟簡為常州刺史與盧仝遊北湖盡買漁人

所獲魚放之全作觀放魚歌

不怕校人欺子美疲民尚作魚尾赤

任詩

鮐魚頰尾注云魚勞則尾赤師案公詩案言此譏朝廷行青苗助役法

數畧未除吾穎泚法師

自有衣中珠不用辛苦泥沙底

次公三秦記漢武帝遊昆明池見大魚銜鈎而放之

開三日帝復遊池濱得明月珠一雙帝曰豈魚之報邪堯卿白樂天放魚詩施恩若望報吾非斯人徒不須泥沙底辛苦覓明珠

西湖秋涸東池魚窘甚因會客呼網師遷

之西池為一笑之樂夜歸被酒不能寢戲

作放魚

東池浮萍半粘塊裂碧跳青出魚背西池秋水尚

函空無舞閣搖溪吹荇帶吾僚有意為遷居老守縱

東池浮萍半粘塊裂碧跳青出魚背西池秋水尚

涵空舞闊搖淡吹苻帶吾僚有意為遷居老守縱

饒那忍膾縱橫爭看銀刀出次公銀刀白魚之狀杜詩出網銀刀亂灑灑初

驚玉花碎但愁數罟損鱗鬣未信長堤隔濤瀨滅

滅發發須臾間次公詩頌人篇施眾滅鱣鮪發發圍圍洋洋尋丈外安

知中無蛟龍種郊老襄沔記云龍煥字世文晉太康中祥柯太守去官還鄉里里人語曰我家池裏龍種來歸尚

恐或有風雲會明年春水漲西湖好去相忘渺淮

海厚莊子魚相忘於江湖白樂天放魚詩憐其不得所移放於南湖南湖連西江好去莫踟躕

復次放魚前韻答趙承議陳教授趙景貺陳履常

擾擾萬生同大塊槍榆不羨培風背青丘已吞雲

夢芥黃河復繞天門帶厚漢官儀及泰山記曰泰山盤道屈曲而上凡五十餘盤經小天門仰視天

門如從穴中視天窗矣又云黃河去泰山三百餘里於祠所瞻黃河如帶嘗譏韓子隘且陋一飽

鯨魚何足膾

援退之詩巨鰐東釣儻可期與子共飽鯨魚膾

東坡也是可憐人

子仁杜詩

蘇侯得數過歡喜每傾倒也復可憐人呼兒具梨棗

披抉泥沙收細碎

次公齊已詩云翻思易水上細碎動離魂

誓將歸休八節灘

續白樂天早年歸休於所居履道里且築香山石樓鑿龍澗八節灘為游賞之樂

又

欲往釣七里瀨

厚顧野王輿地志七里瀨在東陽江下與嚴陵瀨相接唐駱賓王釣磯文余晨行至七里瀨

正似

此魚逃網中未與造物遊數外且將新句調二子

湖上秋高風月會為君更喚木腸兒脚扣兩舷歌

小海

續晉書隱逸傳賈充令夏統歌小海唱統以足扣舷引聲清激風起晝冥舟人恐懼充令伎女盛服金翠繞其船三匝統若無所聞

充曰此吳兒木人石心也

次韻曾子開從駕二首

堯卿名肇

街槐綠闇雨初勻瑞霧香風滿後塵清廟幸同觀

濟濟

續詩清廟祀文王也其詩曰濟濟多士秉文之德

豐年喜復接陳陳

厚豐年亦詩名而前

漢書有云太倉一桂容已一粟餐天苞賜府火初嘗玉頁若新輦

漢書有云太倉之粟陳陳相因 雍容已饜天庖賜俯伏初嘗貢茗新輦

路歸來聞好語厚李賀詩沙路歸來聞好語旱火不光天下兩共驚堯顙類高辛

次公高辛帝嚳乃堯之父也堯以言宋哲宗而高辛以言宋神宗用堯顙字則孔子世家載孔子立於鄭之東門鄭人謂子貢曰東門有人其顙似堯今借此以言宋哲宗之類宋神宗也

入仗魂驚媿艸萊一聲清蹕九門開暉暉日傍金

輿轉習習風從玉宇來流落生還真一芥周章危

立近三槐學士班近執政厚周禮面三槐三公位焉道傍儻有山中舊問我收

身早晚回

再和

眼花錯莫鬢霜勻病馬羸騶只自塵奉引拾遺叨

侍從鱸杜詩我昔近侍叨奉引思歸少傅羨朱陳厚白樂天以太子少傅致仕有詩云憶昨旅遊初迨

蘇東坡詩集主卷七

今五十春孤舟三適楚羸馬四經秦一生苦如此長羨朱陳民朱陳邨在徐州豐縣去縣遠而官事少處深山中民俗淳質一邨惟朱陳二姓世為婚姻民安其土無羈旅行役之勞故多壽考

衰年壯觀空驚目險韻清詩苦鬪新

最後數篇君莫厭擣殘椒桂有餘辛次公此句士大夫傳云當時有問先生句義何如先生曰言其辣也子仁詩話云先生在北扉和辛字韻詩韻窘東而性反不已先生厭之復和云云顧問客曰解此否謂唱首多辣氣故

爾詩話椒作薑

憶觀蒼海過東萊日照三山迤邐開次公三山於寰宇記載在萊州掖縣注云

在海之南岸先生赴密州時有詩桂觀飛樓凌霧起仙幢寶蓋拂天來

不聞宮漏催晨箭但覺檐陰轉古槐供奉清班非

老處會稽何日乞方回時方乞會稽守續晉郝愔字方回為徐兗二州刺史其子超為作牋陳老病乞

閒地自養桓温大喜即轉為會稽太守

司竹監燒葦園因召都巡檢柴貽勗左藏

以其徒會獵園下

以其徒會獵園下

官園刈葦歲留槎
淡冬放火如紅霞
枯槎燒盡有根在
春雨一洗皆萌芽
黃狐老兔最狡捷
賣侮百獸常矜誇
年年此厄竟不悟
但愛蒙密爭來家
風回燄卷毛尾熟
欲出已被蒼鷹遮
野人來言此最樂
徒手曉出歸滿車
巡邊將軍在近邑
呼來颯颯

從子又戍兵久閒可小試

子仁吳王闔閭謂孫武曰可以小試勒兵乎

戰鼓雖

凍猶堪樞雄心欲搏南澗虎
陳勢頗學常山蛇
霜乾火烈聲爆野
飛走無路號且呀
迎人截來春逢
箭避犬逸去窮投
置擊鮮走馬殊未厭
次公漢陸賈謂其子曰數擊鮮
但恐落日催栖雅
弊旗仆鼓坐數獲
續周官大司馬羣吏

毋久混汝為也

弊旗注
弊仆也

鞍挂雉兔肩分麇主人置酒聚狂客紛紛醉

語晚更譁燎毛燔肉不暇割飲噉直欲追羲媧青

丘雲夢古所咤

續司馬相如賦子虛過咤烏有先生之言齊曰秋
田乎青丘彷徨乎海外吞若雲夢者八九於其胃

中曾不
芥蒂

與此何啻百倍加苦遭諫疏說夷羿

援魏絳諫晉
侯引虞人之

箴曰在帝夷
羿冒于原獸

又被賦客嘲淫奢豈如閒官走山邑放曠

不與趨朝衙農工已畢歲云莫車騎雖少賓殊佳

酒酣上馬去不告獵獵霜風吹帽斜

厚北史獨孤信嘗
因獵日莫馳馬入

城其帽微側詰旦人有戴
帽者咸慕信而側其帽焉

和梅戶曹會獵鐵溝

山西從古說三明

續漢安定皇甫威明燉煌張然明武威段紀明
並知名顯達京師稱為涼州三明贊曰山西多

猛三明
麗蹤

誰信儒冠也捍城竿上鯨鯢猶未掩

近梟
數盜 艸中

瓜鬼不頁驚... 續杜詩... 東州趙... 飲無敵南

狐兔不須驚

續杜詩州中狐兔盡何益天子不在咸陽宮

東州趙叟飲無敵南

國梅仙詩有聲

次公左氏傳趙旃云趙叟在後

不向如臯閒射雉

是日惟梅趙不

射厚左傳賈大夫惡娶妻而美三年不言不笑御以如臯射雉獲之其妻始笑而言次公臯者澤名也如訓往也言御其妻而往於臯澤也然自古

樂府詩已誤使樂府詩有雉子班三篇皆使如臯字張正見曰唯當度弱水不怯如臯箭毛處約曰能使如臯路相追巧笑歸江總曰暫往如臯路

當令巧笑開上兩篇猶未覺其誤至江總詩如臯上暫

往字蓋誤指如臯兩字為地名矣今先生亦承此誤乎歸來何以得

卿卿

援王戎妻每呼戎為卿戎曰婦人卿壻於理不順答曰我愛卿親卿所以卿卿我不卿卿誰當卿卿

祭常山回小獵

堯卿熙寧八年作

青蓋前頭點皂旗黃茅岡下出長圍弄風驕馬跑

空立趁兔蒼鷹掠地飛回望白雲生翠巘歸來紅

葉滿征衣聖朝若用西涼簿白羽猶能效一揮

厚晉顯榮

傳齊王回召為大司馬主簿周玘與榮謀起兵攻陳敏榮發斂舟於南岸敏率萬餘人舟不獲濟榮麾以羽扇其衆潰散堯卿晉謝艾為西涼州簿

六百五十八
艾本書生
使之用兵

人日獵城南會者十人以身輕一鳥過槍
急萬人呼為韻軾分得鳥字

兒童笑使君憂愠長悄悄誰拈白接羅令跨金騾
裹東風吹溼雪手冷怯清曉忽發兩鳴鶻厚鳴鶻鳴鏑也漢句

奴傳冒頓常為之相趁飛蟲小放弓一長嘯目送孤鴻矯吟

詩忘鞭轡不語頭自掉歸來仍脫粟續公孫弘飯脫粟鹽豉

煮芹蓼次公陸機云千里蓴羹未下鹽豉何似雷將軍堯卿將軍雷勝華陰人也王父唐令狐潮圍雍

丘雷萬春立城上面中六矢而不動遙謂張巡曰向見雷將軍乃知足下軍令矣兩眼霜鵲皎黑頭已

為將百戰意未了馬上倒銀餅得兔不暇燎少年

負奇志蹭蹬百憂繞回首英雄人老死亦不少青

春還一夢餘年真過鳥次公蓋使老杜句云餘生如過鳥故謂之真以明之師李太白詩生猶鳥過目

蘇東坡詩集卷一

七

即明

春還一夢餘年真過鳥

安公蓋使老杜句云餘生如過鳥故謂之真以明之師李太白詩生猶鳥過日

胡乃自結東景公何愚牛山類相續

莫上呼鷹臺平生笑劉表

續襄陽者舊傳云劉表任荊州

刺史築臺名呼鷹仍作野鷹來曲養源襄沔記劉表呼鷹臺在縣東七里高三丈周七十七丈

將官雷勝得過字代作

胡騎入回中

厚回中在定安高平有險阻蕭關在其北

急烽連夜過短刀穿虜

陳濺血貂裘澌一來輦轂下愁悶惟欲臥今朝從

公獵稍覺天宇大一雙鐵絲箭未發手先唾射殺

雪毛狐

次公做老杜射殺林中雪色鹿

腰間餘一箇

有言郡東北荆山下可以溝畎積水因與

吳正字王戶曹同往相視以地多亂石不

果還遊聖女山山有石室如墓而無棺槨

或云宋司馬桓魋墓二子有詩次其韻二

首敬夫案先生集遊桓山記云元豐三年正月乙亥春服既成從二三子遊於泗水之上登桓山入石室

側手區區未易遮續時河決水方退諺有側手障黃河之語奔流一瞬卷千家

共疑智伯初圍趙續左氏智伯率韓魏攻趙襄子懼奔晉陽三國攻晉陽引汾水灌其邑城不浸者三板猶

有張湯欲漕斜厚後漢溝洫志人有上書欲通褒斜道及漕事下御史大夫張湯問之言抵蜀從故道故道多阪回

遠今穿褒斜道少阪近四百里而褒水通沔斜水通渭皆可以行船漕上以為然而水多湍石竟不可漕

已坐迂疎來此地分將勞苦送生涯使君下策真堪笑隱隱驚雷

響躡車

茫茫清泗繞孤岑歸路相將得暫臨試著芒鞋穿

犖确更然松炬照幽溪縱令司馬能鑿石續宋司馬桓魋自為

石棹三年不成會有中郎解摸金厚陳琳為袁紹作檄書言曹操時置發丘中郎將摸金校尉所過隳突無餘

不強寫蒼蒼厓留歲月他年誰識此時心

不強寫蒼厓留歲月他年誰識此時心

起伏龍行

并序

徐州城東二十里有石潭父老云與泗水通增損
清濁相應不差時有河魚出焉元豐元年春旱或
云置虎頭潭中可以致雷兩用其說作起伏龍行

何年白竹千鈞弩射殺南山雪毛虎

續秦昭王時有一白虎數遊秦蜀巴

漢之境傷害千餘人昭王乃重募國中殺虎者時有巴郡閬中夷人能作
白竹之弩登樓射殺白虎事見後漢史師武經敘弩法云古有下竹八檐
雙弓黃連之號皆弩名至今顱骨帶霜牙尚作四海毛蟲祖東方

久旱千里赤三月行人口生土碧潭近在古城東
神物所蟠誰敢侮上敬蒼石擁巖竇下應清河通
水府眼光作電走金蛇鼻息為雲擢煙縷當年負

圖傳帝命左右義軒詔神禹

厚龍馬負圖於河伏義則之以畫八卦黃帝言余夢兩龍挺白

圖以授余於河之都洛出龜書以賜神禹洪範是也次公河圖書曰舜以太尉即帝位與三公臨觀黃龍五采負圖出舜前

爾來懷

寶但貪眠

子仁莊子驪龍頷下有珠得之者必遭其睡也又張華云龍抱寶而眠謂之癡龍

滿腹雷霆

瘖不吐赤龍白虎戰明日

是月丙辰明日庚寅續劉禹錫言以虎頭置龍潭中威猛相擊其勢必

鬪則可致風雨或遇歲旱為之有驗

倒卷黃河作飛雨嗟吾豈樂鬪兩雄

有事徑須煩一怒



李委吹笛

并引



元符五年十二月十九日東坡生日也置酒赤壁

磯下踞高峰俯鵲巢酒酣笛聲起於江上客有郭

石二生頗知音謂坡曰笛聲有新意非俗工也使

人問之則進士李委聞坡生日作新曲曰鶴南飛

以吹乎之使前則青上紫裘要笛而已既奏新曲

以獻呼之使前則青巾紫裘要笛而已既奏新曲
又快作數弄嘹然有穿雲裂石之聲坐客皆引滿
醉倒委袖出嘉紙一幅曰吾無求於公得一絕句
足矣坡笑而從之

山頭孤鶴向南飛載我南遊到九疑下界何人也
吹笛可憐時復犯龜兹



夜直祕閣呈王敏甫

蓬瀛宮闕隔埃氛帝樂天香似許聞瓦弄寒蟬鴛
臥月樓生晴靄鳳盤雲共誰交臂論今古只有閒
心對此君大隱本來無境界北山猿鶴漫移文

余自城中還道中雲氣自山中來如羣馬

奔突以手掇開籠收其中歸家雲盈籠開
而放之作攬雲篇

物役會有時星言從高駕道逢南山雲歛吸如電
過竟誰使令之袞袞從空下龍移相排撈鳳舞或
頽亞散爲東郊霧凍作枯樹稼或飛入吾車偪仄
人肘膊搏取置笥中提攜反茅舍開絨乃放之掣
去仍變化雲予汝歸山無使達官怕

雅種麥行

霜林老雅閒無用畦東拾麥畦西種畦西種得青
猗猗畦東已作牛尾稀明年麥熟芒攢槩農夫未
食雅先啄徐行俛仰若自矜鼓翅跳踉上牛角憶

昔耕歷山鳥爲耘次公史記舜本紀舜耕歷山歷山之人名皆讓畔其後崩於蒼梧之野注引傳曰舜葬

昔舜耕歷山鳥為耘

次公史記舜本紀舜耕歷山歷山之人皆讓畔其後崩於蒼梧之野注引傳曰舜葬

蒼梧象為之耕又夏禹本紀禹葬會稽注引地里志云山上有禹祠相傳以為下有羣鳥耘田故文選注左思注云舜葬蒼梧象為之耕禹葬會稽鳥為之耘先生下筆痛快不復檢耳堯祖笠澤叢書云世謂舜之在下田於歷山象為之耕鳥為之耕聖德感召也

種麥更辛勤農夫羅拜雅飛起勸農使者來行水

吳中田婦歎

和賈收韻

今年秔稻熟苦遲庶見霜風來幾時霜風來時雨

如瀉杷頭出菌鎌生衣眼枯淚盡雨不盡忍見黃

穗臥青泥茅苦一月隴上宿天晴穫稻隨車歸汗

流肩頰載入市

厚退之城南縣句云刈熟擔肩頰

價賤乞與如糟糶賣

牛納稅坼屋炊慮淺不及明年飢官今要錢不要

米

子仁司馬溫公曰百姓有米而官不要米百姓無錢而官必要錢

西北萬里招羌兒糞黃

滿朝人更苦不如却作河伯婦

厚史記滑稽傳魏文侯時西門豹為鄴令會長老問

民所疾苦長老曰苦為河伯娶婦豹問其故曰鄴三老廷掾常歲賦斂百姓得數百萬為河伯娶婦當其時平行視小家女好者共粉飾之沈之河中云不爾即有水患

於是豹至始禁絕之

館

臂痛謁告作三絕句示四君子

公退清閒如致仕酒餘歡適似還鄉不妨更有安

心病臥看縈簾一炷香

圖

心有何求遣病安年來古井不生瀾

子仁孟郊詩妾心古井水波瀾誓不

起 祇愁戲瓦閒童子却作泠泠一水看

續楞嚴經月光童子白佛言我

作水觀室中安禪有弟子窺窗惟見清水取一瓦礫投水我出定後頓覺心痛爾時童子來前說如上事我則告言汝更見水可即除去瓦礫童子

奉教後入定時開門除之我後出定身即如初

小閣低窗臥晏温

援西漢郊祀志上至中山晏温注云三輔謂日出清霽為晏晏而温也

了然非

默亦非言維摩示病吾真病誰識東坡不二門

默亦非言維摩示病吾真病誰識東坡不二門

客位假寐

因謁鳳翔府守陳公弼

謁入不得去兀坐如枯株豈惟主忘客今我亦忘

吾同僚不解事慍色見顙須雖無性命憂且復忍

須臾

續晉郝超為中書侍郎謝安與王文度共詣超日旰未得前文度便欲去安曰不能為性命忍須臾邪

富陽妙庭觀董雙成故宅發地得丹鼎覆

以銅盤承以琉璃盆盆既破碎丹亦為人

爭奪持去今獨盤鼎在耳二首

饒富陽圖經云妙庭觀在縣西

十五里國朝天聖中道士發地得丹鼎

浙

人去山空鶴不歸丹亡鼎在世徒悲可憐九轉功

成後却把飛升乞內芝

次公宣志河中永樂道淨院唐文宗時道士鄧太玄鍊丹於藥院中藥成疑功

未究留貯院內人共掌之太玄死周悟先主院事時有蒲人侯道華者事
悟先以供給使諸道士皆奴畜之而道華愈欣然一旦味爽眾晨起道華
房中亡所見獨留一詩云帖裏大還丹多年色不移前宵盜喫却今日碧
空飛慙媿深珍重珍重鄧天師他年鍊得藥留著與內芝吾師知此術速
鍊莫為遲三清專相待大羅的有期其下列細詞稱去年七月一日蒙韓
君賜姓李名內芝配住上清善進院學者多疑內芝字舊注引真誥言得
隱芝服之便為真仙又或以為抱朴子所謂內
芝且以為先生曾賦詩者今故為詳載所出

琉璃擊碎走金丹無復神光發舊壇時有世人來

舐鼎欲隨雞犬事劉安

續前漢淮南王安臨仙去餘藥在庭中
雞犬舐之並得飛升故雞鳴雲中犬吠

上天

讀孟郊詩二首

夜讀孟郊詩細字如牛毛寒燈照昏花佳處時一
遭孤芳擢荒穢苦語餘詩騷水清石鑿鑿湍激不
受篙初如食小魚所得不償勞又似煮彭蠡竟日

未足當韓

嚼空螯要當鬪僧清

續指如賈島者也鳥初為僧名無本詩才與郊齊名

未足當韓

豪人生如朝露日夜火銷膏何苦將兩耳聽此寒

蟲號不如且置之飲我玉卮醪

我憎孟郊詩復作孟郊語飢腸自鳴喚空壁轉飢

鼠詩從肺府出出輒愁肺府有如黃河魚出膏以

自煮尚愛銅斗歌鄙俚頗近古桃弓射鴨罷獨速

短蓑舞

次公郊送澹公詩十二首其一曰銅斗飲江水手拍銅斗歌儂是拍浪兒飲則拜浪婆脚蹋小船頭獨速舞短蓑笑伊漁陽

慘空持文章多閒倚青竹竿白日柰我何又曰短蓑不怕雨白鷺相爭飛短楫畫菰蒲鬪作豪橫歸笑伊水健兒浪戰求光輝不如竹枝弓射鴨無

是 非 不憂蹋船翻蹋浪不蹋土

次公案郊詩又曰射鴨復射鴨鴨驚菰蒲頭鴛鴦亦零落彩色難

相求儂是清浪兒每蹋清浪遊笑伊鄉貢郎蹋土稱風流如何牛角翁至死不裹頭

吳姬霜雪白赤脚浣

白紵嫁與蹋浪兒

堯卿唐李益詩早知潮有信嫁與弄潮兒

不識離別苦歌

君江湖曲感我長羈旅

雲龍山觀燒得雲字

丁女真水妃

次公左傳昭九年夏四月陳災鄭裨竈曰五年陳將復封封五十二年而遂亡子產問其故對曰陳水屬也火

水妃也而楚所相也注云火畏水故為之妃引以女丁字則退之陸渾山火詩云女丁婦壬傳世婚蓋言在丁為女而歸壬則為婦也

寒山

便火耘

次公即今之水耕火耘耳

隕霜知己殺

續春秋定公元年冬十月隕霜殺菽

坏戶聽

初焚

厚季秋隕霜殺州王者順天行誅蟄蟲墜戶以避殺氣始聽焚菜

束緼方熠燿

援蒯通曰里母束緼

請火於亡肉家注緼亂贖也

敲石俄氤氳

敲夫柳宗元詩夜發敲石火

落點甘泉烽

厚漢

文帝時胡騎入代句注烽火通於甘泉宮甕關輔記云甘泉宮在今池陽縣西去長安三百里

橫煙楚塞氛

援晉楚會盟于

宋伯夙謂趙孟曰楚氛甚惡

窮蛇上喬木潛蛟躡浮雲驚飛墮傷雁

狂走迷癡磨谷蟄起蜩燕

次公蜩燕二物過秋則蟄

山妖竄夔羶

續木

石之怪曰夔土之怪曰羶

野竹爆哀聲幽桂飄冤芬悲同秋照解快

若夏瘞瘞火牛入煙壘厚齊田單守即墨城吹城中千餘牛為

若夏燎蚕火牛入煙壘

厚齊田單守即墨城收城中千餘牛為絳繒衣畫以五采龍文東兵刃於其角

而灌脂束葦於其尾燒其端鑿城千穴夜縱牛牛尾熱怒而奔燕軍燕軍驚遂敗

燧象奔吳軍

援左氏吳伐楚楚昭

王使鍼尹固執燧象以奔吳軍杜預云燒燧火係象尾者也

崩騰井陘口萬馬皆朱幘

韓

信擊趙未至井陘口三十里止舍夜半傳發選騎二千人持一赤幘從間道登山望趙軍戒曰趙見我走必空壁逐我若疾入趙壁皆拔趙幘立

漢幘趙軍歸壁皆漢幘大驚遂亂遁走次公詩碩人注朱幘以朱纏鑣扇汗也

搖曳驪山陰諸姨爛紅

帟

厚唐玄宗每年十月幸驪山華清宮楊貴妃姊妹五家扈家一隊著一色衣五家合隊掩映如百花間發

方隨長風

卷忽值絕澗分我本山中人習見匪獨聞偶從二

三子來訪張隱君

堯卿天驥山人也

君家亦何有物象移朝

曛把酒看飛燼空庭落續紛行觀農事起畦壠如

纈紋細雨發春穎嚴霜倒秋蕒

厚艸木多實曰蕒次公詩有蕒其實始知

一炬力洗盡狐兔羣

觀張師正所蓄辰砂

將軍結髮戰蠻溪篋有殊珍勝象犀漫說玉牀分

箭鏃師辰州出丹砂下有白石土方有砂其石如玉土人謂之砂牀本州辰砂如箭鏃者良何曾金鼎識刀

圭鍾淮南王安臨仙去餘藥鼎雞犬舐之並得仙韓詩金丹別後知收得乞取刀圭救病身近聞猛士收丹穴

厚史記貨殖傳巴寡婦清其身得丹穴而擅其利數世欲助君王鑄裏蹄援方士有煉丹砂成黃金法漢

武帝隴首獲白麟渥注出天馬太山見黃金因改鑄黃金為麟趾裏蹄以叶瑞

初日吐虹霓鍾日流於天其氣之在地者結為丹砂鍾大洞煉真寶經云上品光明沙者受太陽洞通澄明正真之精氣降

結紅光耀如日色中品白馬牙沙者受太陽平和柔順氣結白光燦燦如雲母色下品紫靈沙者受太陽山澤之靈結紅紫色

是日偶至野人汪氏之居有神降於其室

自稱天人李全字德通善篆字用筆奇妙

而字不可識云天篆也與予言有所會者

復作一篇仍用前韻

復作一篇仍用前韻

酒渴思茶謁扣門那知竹裏是仙邨已聞龜筮通

神語更看龍蛇落筆痕色瘁形枯應笑屈道存目

擊豈非温續立壯子載仲子見温伯雪子而不言曰若夫人者目擊而道存矣不可容聲矣歸來獨埽空

齋臥猶恐微言入夢魂

魚蠻子



江淮水為田舟楫為室居魚鰕以為糧不耕自有

餘異哉魚蠻子本非左衽徒連排入江住竹瓦三

尺廬堯祖江南多以竹木為排浮水中排上以葦竹瓦為屋又黃州竹樓記云黃岡之地多大竹竹工剗去其節用代陶瓦於焉

長子孫戚施且侏儒次公戚施者能俯而不能仰之人禮記曰戚施直鋪侏儒者短人孔子為魯相斬侏

儒擘水取魴鯉易如拾諸塗破釜不著鹽雪鱗芼

青蔬一飽便甘寢何異獺與狙人間行路難躡地

出賦租〔續〕魯成公履畝而稅春秋書初稅畝不如魚蠻子駕浪浮空虛空

虛未可知會當算舟車蠻子叩頭泣勿語桑大夫

〔厚〕前漢桑弘羊洛陽賈人子能以心計年十二為武帝侍中言利析秋毫請非吏比者三老北邊騎士軺車一算商旅人軺車二算船五丈以上一算

為御史大夫

聞子由為郡僚所摭恐當去官

少學不為身宿志固有在雖然敢自必用舍置度

外天初若相我發迹造宏大豈敢負所付捐軀欲

投會寧知事大繆舉步得狼狽〔次公〕狼狽二獸名相附而行失一則乖故事忤者謂

之狼我已無何言隨甌難追悔〔厚〕後漢郭泰傳孟敏客居太原荷甌隨地不顧而去林宗

見而問其意對曰甌已破矣視之何益林宗異之子雖僅自免雞肋安足賴〔援〕曹操出令曰

雞肋言劉公嘗因醉呼客客言當前欲飲劉曰低回畏罪罟罷勉敢

雞肋續晉劉伶嘗因醉忤客客奮前欲毆之伶徐曰雞肋不足以安尊拳其人笑而止

言退若人疑或使為子得微罪時哉歸去來共抱

東坡耒

登州海市 并序

館

予聞登州海市舊矣父老云嘗出於春夏今歲晚
不復見矣予到官五日而去以不見為恨禱於海
神廣德王之廟明日見焉乃作此詩

東方雲海空復空羣仙出沒空明中蕩搖浮世生
萬象豈有貝闕藏珠宮 次公楚詞九歌之河伯篇云魚鱗屋兮龍堂紫貝闕兮珠宮 心知

所見皆幻影敢以耳目煩神工歲寒水冷天地閉
為我起蟄鞭魚龍重樓翠阜出霜曉異事驚倒百

歲翁人間所得容力取世外無物誰為雄率然有

請不我拒信我人厄非天窮潮陽太守南遷歸喜

見石廩堆祝融編潮陽太守言退之也謁衡岳廟詩云我來正值

正直能感通須臾靜掃衆峰出仰見突兀撐秋兩節陰氣晦昧無清風潛心默禱若有應豈非

青空紫蓋連延接天柱石廩騰擲堆祝融自言正直動山鬼豈

知造物哀龍鍾信眉一笑豈易得次公前漢薛宣傳云可

復伸眉於後又後漢史云伸眉神之報汝亦已豐斜陽萬里孤島沒但見碧

海磨青銅援十洲記言蓬萊山在碧海之中水皆碧新詩綺語

亦安用相與變滅隨東風字仁黃魯直跋先生詩帖云東坡

夜直玉堂攜李之儀端叔詩百餘篇讀至

夜半書其後

愛翹樞之士乎

王維待詔金鑾

玉堂清冷不成眠伴直難呼孟浩然厚王維待詔金鑾殿召孟浩然商校

風雅暫借好詩消永夜每逢佳處輒參禪愁侵研滴

初含凍續西京雜記載廣川王去疾盜發晉靈公冢獲玉蟾蜍一枚大如拳腹可盛數合水潤如新玉取為盛水滴喜入

燈花欲鬪妍寄語君家小兒子他時此句一時編

師居易作劉紅倡和詩序解云命小姪龍兒編錄成兩卷

病中夜讀朱博士詩

病眼亂燈火細書數塵沙君詩如秋露洗我空中

花續楞嚴經云亦如翳人見空中花翳病若除花於空滅古語多妙寄可識不可誇

巧笑在頰頰次公詩碩人巧笑倩兮注倩好口輔正義曰輔近頰也笑之貌美在於口輔哀音餘摻

搗曾坑一朶春次公曾坑茶名蓋因地得名也紫餅供千家懸知貴公

子醉眼無真茶崎嶇爛石上得此一寸芽孝祥案蔡襄茶錄云

茶色貴白而餅茶多以珍膏油其面故有青黃紫黑之異次公陸羽茶經云上者生爛石中者生巖壤下者生黃土而茶論云白茶自為一種與常茶不同其條敷闡其葉瑩薄崖石之間偶然生出所生處不過一二株耳緘封勿浪出湯老客未

嘉無已茶經云湯經三沸為老

劉醜廝詩

劉生望都民次公望都定州屬縣也病羸寄空窰有子曰醜廝

十二行操瓢厚莊子盜跖無異操瓢而乞墻間得餘粒厚孟子齊之良人卒之東郭墻間之

飢飽共生死水火同焚漂病翁恃一褐度此積雪祭者乞其餘不足又顧而之他注云家間郭外冢祭也雪中拾隋樵厚王介甫詩云老妻隴上收遺秉穉子林間拾隋樵

宵哀哉二暴客次公易重門擊柝以待暴客掣去如飢鴉翁既死於

寒客亦易此貂崎嶇走亭長不憚雪徑遙我仇祝

與宛物色同遮邀次公祝與宛兩賊之姓也察其人之謂行路為出涕二賊

竟就梟厚莊子盜跖無異操瓢而乞

竟就梟

孝祥遜齋閒覽云百勞一名梟能捕燕雀小禽食之又能禁蛇以其食母不孝故古人賜梟羹又標其首於木故後人標賊首

以示衆者謂之梟首

謏謏訴我庭慷慨驚吾僚曰此可名寄追

配柳之羹恨我非柳子擊節為我謠

續柳子厚童區寄傳寄者柳州羹牧

兒也方十一歲二賊劫而賣之寄為兒持賊易之一人往市一人臥寄傍值刃道上寄微伺其睡以刃殺之市者還縛寄將遠賣寄夜半解縛復殺

市者自聞於官官賜二萬錢無家可歸嬌為媾他日婦婉然

初垂髻洗沐作小吏裹頭束其腰

厚杜甫兵車行云去時里正為裹頭筆

研耕學苑

援張著翰林盛事王勃能文請者甚眾金帛盈積人謂心織而衣筆耕而食

戈矛戰天驕

續單于遺漢書曰南有大漢北有強胡胡者天之驕子也

壯士隨爾好忠孝福可徼相國

有折脇

續史記范雎從須賈使齊齊王賜金及牛酒魏齊以睚持魏國陰事告齊故受此賜大怒使舍人笞擊睚折脅摺齒睚佯

死得免後逃入秦為相國

封侯或吹簫

厚周勃以吹簫給喪事後封絳侯

人事豈易料無

輕比焦僥

援國語曰焦僥國人長三尺短之極也

聞子由瘦儻耳至難得肉食

五日一見花豬肉十日一遇黃雞粥土人頓頓食

諸芋厚嶺表錄異諸糧即芋之類也大者如甌皮紫而肉白蒸煮食之薦以熏鼠燒蝙蝠舊

聞蜜啣嘗嘔吐稍近蝦蟇緣習俗續退之答柳柳州食蝦蟇詩余初不下喉近亦

能稍十年京國厭肥羜厚詩亦有肥羜以速諸父日日饑花壓紅玉從

來此腹負將軍俗諺云大將軍食飽捫腹而歎曰我不負汝左右曰將軍固不負此腹此腹負將軍未嘗出少智慮

也今者固宜安脫粟人言天下無正味即且未遽賢

麋鹿次公莊子民食芻豢麋鹿食薦即且甘帶鴟鴞嗜鼠四者孰知正味也海康別駕復何為厚

康郡即雷州時子由為雷州別駕帽寬帶落驚僮僕相看會作兩臞僂

還鄉定可騎黃鵠

糴米

糴米買束薪百物資之市不緣耕樵得飽食殊少

糴米買束薪百物資之市不緣耕樵得飽食殊少
味再拜請邦君願受一廛地知非笑昨夢食力免
內媿次公後漢徐穉家貧常自耕稼非其力不食春秋幾時花夏稗忽已穉悵
然撫耒耜誰復識此意

次韻子由浴罷

書

理髮千梳淨風晞勝湯沐閉息萬竅通霧散名乾
浴頽然語默喪靜見天地復時令具薪水漫欲濯
腰腹陶匠不可求盃斛何由足海南無浴器故常乾浴而已老雞臥

糞土振羽雙瞑目倦馬馭風沙

次公馭與碾同黃魯直集有題伯時欲馭玉花驄馬

詩是已

奮鬣一噴玉

厚穆天子傳天子東遊於黃澤宿於曲洛時人語曰黃之陘其馬歎沙皇人威儀黃之澤其馬歎玉

皇人壽穀

垢淨各殊性快愜聊自沃雲母透蜀紗琉璃瑩

斲竹

次公王勃春思詩水精却挂鴛鴦幔雲母斜開翡翠帷又退之簞詩攜來當晝不得臥一府傳看黃琉璃本草雲母石類也一

名雲珠色赤一名雲華五色具一名雲英色多青一名青液色多白一名雲沙色青黃一名磷石色正白陶隱居云雲母有八種色增注雲母以言

廚也斲竹簞也

稍能夢中覺漸使生處熟

厚傳燈錄老宿有語生疎處常令熱熱熱熱熱處故令

疎楞嚴在牀頭妙偈時仰讀返流歸照性

次公楞嚴經云返流全六

一用不行又云一源返根六根皆照

獨立遺所矚

厚世說山公曰嵇叔夜之為人巖巖若孤松之獨立

未知仰

山禪

次公傳燈錄仰山惠寂禪師嘗謂香嚴曰汝只得如來禪未得祖師禪也

已就季主卜

次公史記司馬

季主卜於長安市賈誼嘗從之卜又張景陽詩歲莫懷百憂將從季主卜

安心會自得助長毋相督

子以事繫御史臺獄吏稍見侵自度不

能堪死獄中不得一別子由故作二詩授

獄卒梁成以遺子由

聖主如天萬物春小臣愚暗自亡身百年未滿先

賞債十口無歸更累人是處青山可埋骨他年夜

償債十口無歸更累人是處青山可埋骨他年夜

雨獨傷神與君世世為兄弟又結來生未了因

柏臺霜氣夜淒淒風動琅璫月向低夢繞雲山心

似鹿魂飛湯火命如雞眼中犀角真吾子續鄭語幽王惡犀角

豐盈而比讓慝頑童身後牛衣媿老妻百歲神遊定何處桐鄉

知葬浙江西獄中聞杭潤間民為余作解厄道場者累月故有此句

十二月二十八日蒙恩責授檢校水部員外

郎黃州團練副使復用前韻

百日歸期恰及春餘年樂事最關身出門便旋風
吹面走馬聯翩鵲啁人却對酒杯渾是夢試拈詩
筆已如神此灾何必深追咎竊祿從來豈有因

平生文字為吾累此去聲名不厭低塞上縱歸他

日馬城東不鬪少年雞續塞上翁失馬未必不為福曹植詩鬪雞東郊道休官彭

澤貧無酒隱几維摩病有妻續維摩詰示病又言以法喜為妻堪笑睢

陽老從事為子投檄向江西子由聞予下獄乞以官爵贖子罪貶筠州監酒

出局偶書

急景歸來早窮陰晚不開傾杯不能飲待得卯君

來續子由已卯生故公呼為卯君

病後醉中

病為兀兀安身物酒作蓬蓬入腦聲堪笑錢塘十

萬戶官家付與老書生

元豐七年有詔京東淮南築高麗亭館密

每二州發然有逃亡者明年載過之歎其

海二州騷然有逃亡者明年軾過之歎其壯麗留一絕云

檐楹飛舞垣牆外桑柘蕭條斤斧餘盡賜昆邪作

奴婢

續前漢汲黯傳匈奴渾邪王來降賈人與市者坐當死五百餘人黯乃請問見武帝曰夫匈奴攻當路塞絕和親中國舉兵誅之死

傷不可勝計而費以鉅萬百數臣愚以為陛下得胡人皆以為奴婢賜從軍死者家鹵獲因以與之以謝天下塞百姓之心今縱不能又以微文殺無知者五百餘人臣竊為陛下不取也不知償得此人無

正月二十六日偶與數客野步嘉祐僧舍

東南野人家雜花盛開扣門求觀主人林

氏媪出應白髮青裙少寡獨居三十年矣

感歎之餘作詩記之

隄案白鶴故居圖嘉祐寺在歸善縣西

縹蒂細枝出絳房

厚杜牧之詩醉折梨園縹蒂花又李商隱詩紅袍雜絳房次公綠白色曰縹淺黃色曰細大赤

綠陰青子送春忙
色曰綠
涓涓泣露紫含笑
續含笑花嶺南所出
皴皴

燒空紅佛桑
厚晉安海異名記佛桑其花丹重數柔澤葉如桑花五六出大如蜀葵有紫一條長如花葉上綴金屑日光

落日孤煙知客恨
所爍疑為談朝生莫落
短籬破屋為誰香
主人

白髮青裙袂子美
詩中黃四孃
續杜子美詩黃四孃家花滿蹊

新渠詩 并序

庚子正月予過唐州太守趙侯始復三陂疏召渠
招懷遠人散耕于唐予方為旅人不得親執壺漿
簞食以與侯勸逆四方之來者獨為新渠詩五章
以告於道路致侯之意其詞曰

新渠之水其來舒舒溢流于野至于通衢渠成如
神民始不知問誰為之邦君趙侯新渠之田在渠

左右渠來奕奕如赴如湊如雲斯積如屋斯溜嗟

左右渠來奕奕如赴如湊如雲斯積如屋斯溜嗟
唐之人始識秔稌新渠之民自淮及潭挈其婦姑
或走而顛王命趙侯宥我新民無與王事以訖七
年侯謂新民爾旣來止其歸爾邑告爾鄰里良田
千萬爾擇爾取爾耕爾食遂爲爾有築室于唐孔
碩且堅生爲唐民飽粥與饘死葬於唐祭有雞豚
天子有命我惟爾安

蘇東坡詩集注卷第七

浙

江

蘇東坡詩集卷第十

蘇東坡詩集卷第十

天子亦命孫爾安

書 館

蘇東坡詩集卷第十

圖

蘇東坡詩集卷第十

蘇東坡詩集卷第十

江

蘇東坡詩集卷第十

蘇東坡詩集卷第十

浙

蘇東坡詩集卷第十

蘇東坡詩集卷第十

蘇東坡詩集卷第十

蘇東坡詩集卷第十

蘇東坡詩集卷第十

蘇東坡詩集卷第十


蘇東坡詩集卷第十



浙江圖書館



浙江圖書館



東坡詩註

掃葉山房印行




811.14
4453
4





浙江圖書館



centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color B